

禮記章句

禮記卷九之一

任啓運章句

禮器

孔本第十兩本第二十九今定爲三十二。謂

之器者陳皓曰一是成舉者德器之美一是明
行禮者用器之制兩城曰乃易立成器以爲天下
利之意先儒以禮運爲形上之道禮器爲形下之
器非也兩說近之今由其文詳其意先以忠信禮
之本理義禮之文並提中間廣說禮文似屬制度
邊多然從禮文說入外心內心歸結非忠信之人
禮不虛道其意實重禮之本上且舉其廢者外慎
其獨者內暨義尤精何讀若習其傳而不察耶又
孔氏言郊特牲云云覆說以少爲貴之義是本一
篇而後人斷之以首句名篇耳今取郊特牲篇
別其言冠昏祭射者各入其篇而餘仍合之

禮器是故大備大備盛德也禮釋回增美質措則正施則
行其人也如竹箭之有筠也如松柏之有心也二者居

天下之大端矣故貫四時而不改柯易葉故君子有禮則

外諧而內無怨故物無不懷仁鬼神饗德

器者各適其用之意美質謂忠

信箭竹之小者筠竹青也竹箭之韌在皮松栢之堅在心

何大枝也先王制禮于身則言語動作衣服飲食于倫則

父子君臣兄弟夫婦朋友于事則冠昏喪祭射御朝聘于

地則自郊廟朝廷及閭閻州黨凡厚薄崇卑大小莫不制

爲一定之節文以各適于用則治已治人之道大備而爲

盛德矣夫人之生質雖有過不及之差而純一無偽之本

然未有不美者惟物欲之回邪日益而忠信之美乃日損焉禮釋去其外誘之回邪而又使無過不及以增益其美質措之身則身正如松栢之堅于內施之事則事行如竹箭之韌于外夫天下事不過內外之兩端而禮足以正之行之則無不備可知竹箭有筠故葉不易松栢有心故柯不改君子有禮故國治家齊明而物懷其仁幽而神饗其德豈不誠盛德也哉

右第一章

此一篇之大旨

先王之立禮也有本有文忠信禮之本也義理禮之文也

無本不立無文不行

文者順理成章之意在物為理處物為義先王制禮敦忠信之心以為本

而又協之于義度之于理以為文此所以措則正而施則行也不然則無本者喪其美質而無以立無文亦無以增其美質而有所不行矣何以為大備盛德哉

右第二章

因上增美質而言美質增而回釋不待言矣

禮也者合於天時設於地財順於鬼神合於人心理萬物者也故天時有生也地理有宜也人官有能也物曲有利也故天不生地不養君子不以為禮鬼神弗饗也居山

以魚鼈爲禮居澤以鹿豕爲禮君子謂之不知禮故必舉其定國之數以爲禮之大經禮之大倫以地廣狹禮之厚薄與年之上下是故年雖大殺衆不匡懼則上之制禮也節矣殺去聲匡恒同。設措置得宜之意地利有宜如雍宜黍荆宜稻青利蒲魚揚利金錫人官有能如兵農禮樂各一其長耳聽目視各一其職物曲有利如葛宜夏裘宜冬水資舟旱資車之類定國之數如甸服侯服甸伯七命子男五命倫次序也言禮必用物而所用之物必因天時所生地財所有乃順于鬼神合于人心而足以理萬物也此易故哉蓋天時所生有陰陽之異地利所產有水陸之宜與夫人官之能物曲之利皆有一定而不能相通者故必因天所生地所養乃能順于鬼神而鬼神饗之也不然用非所用而以難得爲貴山以魚鼈澤以鹿豕君子直謂之不知禮矣而何以合人心也哉故先王制禮凡朝貢祭饗先定其服之遠近爵之崇卑爲禮之常法而其用

之次序又視其地之廣狹用之厚薄又視其年之上下則量人以爲出用之所餘足以爲凶荒之備年雖大歉而衆有所恃不至惶迫而搖動矣是非合天時設地財制用有節而能然乎

右第三章

承上義理禮之文而言孔氏曰忠信爲本易見義理爲文難知故下廣言理義爲文

之事

禮時爲大順次之體次之宜次之稱次之禘授舜舜授禹湯放桀武王伐紂時也詩曰匪革其猶聿追來孝天地之祭宗廟之事父子之道君臣之義倫也社稷山川之事鬼神之祭體也喪祭之用賓客之交義也羔豚而祭百官皆足大牢而祭不必有餘此之謂稱也諸侯以龜爲寶以圭

為瑞家不寶龜不藏圭不臺門言有稱也稱去聲下同章其對詩作至其

欲。時變動而不居非後天奉天者不能順體宜稱則循理奉法者猶可及故時為大而四者遞次之也詩大雅有聲篇王者為天子必善繼天之志乃為天之孝子堯舜禪授湯武征誅豈以亟成己欲哉正追天之志而來致其孝耳此時之所以為大也郊社禘嘗慈孝仁敬其先後有自然之倫序而不可失故順次之社稷山川天神人鬼其尊卑有一定之體而不可亂故體次之與祭賓客其隆殺有事勢之宜故宜次之若夫行之適當其分如小祀以羔豚大祀以太牢皆足于用而無過不及乃所謂稱也臺門門兩旁築土為屋其上懸象法以示人故謂之象魏兩觀其中為門望之闕然故又謂之闕也天子外闕兩觀諸侯內闕一觀諸侯在國故有守邇以決疑有命圭以通信也門以布政皆非大夫所得有也此又舉稱之義而申言之

右第四章

申言理義有此五者而末重言稱見稱之尤不可少以起下章

禮有以多爲貴者。天子七廟。諸侯五大夫三士一。天子之豆二十有六。諸公十有六。諸侯十有二。上大夫八。下大夫六。諸侯七介。七牢。大夫五介五牢。天子之席五重。諸侯之席三重。大夫再重。天子崩七月而葬。五重八襲。諸侯五月而葬。三重六襲。大夫三月而葬。再重四襲。此以多爲貴也。重平聲。廟數詳祭法。豆數詳祭義。諸侯朝天子。上介一人。次介末介各三人。天子禮諸侯。任一牢。雁鴈各三牢。此舉侯伯以見例。若上公則九介九牢。子男五介五牢。其大夫來聘。各下其君二等也。天子席五莞。藻次蒲熊。諸侯三莞。藻蒲。大夫再莞。蒲先設。同席二爲一重。次加異席一爲二重。五重則六席。再重則三席。熊謂天子。給祭五重。蒲祭四重。時祭及朝覲饗食。封國命諸侯。皆三重。諸侯祭祀相朝皆再重。孔謂諸侯相朝三重。祭祀也。國恩朝非也。張氏

禘豈輕于祫諸侯相朝豈重于祭哉陳據之謂此五重以祫祭言三重以相朝言尤謬蓋此特舉多寡以明分非專指一事也葬五重抗與茵也茵以淺色緇布夾之實茅秀及香草于中以藉棺下縮者二上橫者三為一重置棺加椁椁上加折折上加席席上加抗木下橫者二上橫者三為一重如是者五則五重也折見雜記餘並詳喪大記

有以少為貴者天子無介祭天特牲天子適諸侯膳以饋諸侯相朝濯用鬱鬯無邊豆之薦大夫聘禮以脯醢天子

一食諸侯再大夫士三食力無數大路繁纓一就先路三

就次路五就二句參郊特牲次路七就圭璋特琥璜爵鬼神之祭

單席諸侯視朝大夫特士旅之此以少為貴也特一作佐

賓天子天下一家無為賓之義故筵守而適諸侯無介也天子祭天用犢而諸侯照天子亦一犢尊之如天也諸侯

相朝饗禮畢主君惟酌鬱鬯獻賓無運豆之薦大夫來聘
乃酌酒而薦脯醢位尊者禮重且明有馨德者不貴味也
天子一飯卽告飽諸侯再大夫士三亦告飽必侑之乃食
若農工商賈飽然後已位尊者禮備且明飽于德者不貪
食也繁馬大帶在腹騶馬鞅在胸染絲而織曰黼五色一
帀曰就繁纓皆黼爲之大路殷輅祭天用之車質故馬亦
少飾也先路第二等巡守以先次路第三等以朝又次第
四等以戎漸加飾矣殷尚質故如此若周則玉路以配十
二就金路以資九就象路以朝七就革路以戎五就木路
以田前樊鵠纓周尚文所貴異也諸侯朝王執圭朝后執
璋聘諸侯用圭聘夫人用瑱皆持達堂上而馬皮不升玉
貴也琥爲虎形璜如半環王饗諸侯諸侯相饗至醢時
于公侯以琥將幣伯子男以璜將幣王賤也鬼神卑席以
異于人爲敬不尚溫暖也君視朝時于大夫各一揖之士
旁三揖而已○按本篇所述多周禮于有以大爲貴者宮
亦獨殷禮豈嘗聞于乘殷輅之說與

室之量器皿之度棺槨之厚丘封之大此以大爲貴也

室宮

之量伏生大傳言天子之堂廣九雉公侯七雉伯子男五雉皆三分其廣以二為內考工記天子明堂度九尺之筵東西九筵西北七筵宗廟王寢皆同其餘降殺未聞棺槨正封詳喪記月令其有以小為貴者宗

廟之祭貴者獻以爵賤者獻以散尊者舉觶卑者舉角五

獻之尊門外缶門內壺君尊瓦甒此以小為貴也爵受一升觶三升角四升散五升皆畫雲氣缶鄭云大小未聞或曰四斛蓋一石甒五斗有蓋無飾特牲禮主人獻尸以角佐食獻以散尸人舉奠觶主人授尸酢以角孔云天子

諸侯大夫獻尸皆以爵無以散之文禮亡不具此祭用爵之大小也禮各以命數為獻五獻謂子男缶壺以飲有臣在門內外甒以饗君在堂上此饗禮設尊之貴小也

以高為貴者天子之堂九尺諸侯七尺大夫五尺士三尺

天子諸侯壺門此以高為貴也階以尺為級天子九級諸侯七級大夫五級士三級

天子諸侯壺門此以高為貴也階以尺為級天子九級諸侯七級大夫五級士三級

○此亦周制夏天子一尺殷三尺有以以下為貴者至敬不壇埽地而祭天

子諸侯之尊廢禁大夫士樹禁此以下為貴也祭天壇柴

于地孔云此祭五帝非也樹禁斯禁也樹木懸之名禁形

類樹故曰於禁其名禁者為酒戒也孔云樹與禁皆長四

尺廣八尺四角畫青雲氣菱若花為飾但樹深五尺無足

禁通局是高三寸漆赤中刻其足為篆帷形天子廢去斯

禁不用天子用舟諸侯川豐愚謂無足曰廢當是天子諸

侯之禁無足大夫士之禁足高三寸耳若舟則高一尺應

高八寸乃高為貴矣且豐以承罰爵非承尊也張白烈謂禁無足於有足尤非禮有以文為貴者

天子龍袞諸侯黼大夫黻士乎衣纁裳天子之冕朱綠藻

十有二旒諸侯九上大夫七下大夫五士三此以文為貴

也綈衣黑也以黃入赤曰纁再入赤曰纁以纁人有以

也黑曰纁易服各如命數詳見玉藻此舉大畧耳

禮記禮器卷九之一

素為貴者至敬無文父黨無容大圭不琢太羹不和大路

素而越席犧尊疏布鼎俎杓此以素為貴也

琢當作瑑和去聲越音浩

鼎亦煢幕揮音展杓勺同○凡事之至敬者不以文為美

人之至親者不以容為飾大圭太羹越席並見祭義犧尊

見明堂位鼎覆之也杓就尊酌酒以入爵者孔曰孔子曰

祭天尊爵用木不用玉也陳謂杓沃盥之具恐非孔子曰

禮不可不省也禮不同不豐不殺此之謂也蓋言稱也

省

也禮有豐殺之不同察之而知其所貴之故則豐不得謂

之豐殺不得謂之殺矣引子言以結上文末句記者語

右第五章

承上禮之稱而詳言之蓋時未易言而能稱則歸于順合于體協于宜而時亦在其

中矣

禮之以多為貴者以其外心者也德發揚詡萬物大理物

博如此則得不以多爲貴乎故君子樂其發也禮之以少
爲貴者以其內心者也德產之致也精微視天下之物無
可以稱其德者如此則得不以少爲貴乎是故君子慎其
獨也禮之多少凡以爲稱而其所以然者則皆本于心外
美在其中也謂鼓動之意天地之德發揚于外生物之理
盛人有以鼓動萬物而物之生者亦博焉所謂顯諸仁也
然其所以致此則甚精微而不可見所謂藏謂用也君子
知不備物不足稱天地發揚之德而備物亦不足稱天地
精微之德故有時樂其發則禮之周流洋溢與天地之發
揚同用焉有時慎其獨則禮之收斂謹密與天地之精微
同體焉舉吾心之內外而皆與天地
同密此禮之所以行而多少皆稱也古之聖人內之爲尊
外之爲卑少之爲貴多之爲美是故先王之制禮也不可

多也不可寡也唯其稱也

尊恭敬奉持之意即與其獨也樂從容和順之形即樂其發也

聖人與天地合其德故內外多少自合其宜所謂聲為律身為度也由此而制禮以理萬物故其多少皆可為萬世

則而不容稍是故君子太牢而祭謂之禮匹夫太牢而祭

謂之攘君子通大夫以上天子之大夫常用太牢諸侯之大夫常用少牢遺奠卒哭祔祭亦太牢匹偶也班

固云民與妻偶曰匹夫庾蔚云士與大夫為管仲饗簋朱

介曰匹士攘僻竊也稱則為禮不稱則攘矣紃山節藻梲君子以為濫矣晏平仲祀其先人豚肩不掩

豆澣衣濯冠以朝君子以為隘矣是故君子之行禮也不

可不慎也眾之紀也紀散而眾亂孔子曰我戰則克祭則

受福蓋得其道矣管晏事見檀弓濫放濫隘狹陋君子樂其發而分未嘗不嚴故多不濫慎其獨

而禮未嘗不至故少不隘若敬仲之濫不免于攘卽平仲之隘亦非所以爲禮也夫上之行禮所以示民有常上失其道則無理義以爲紀而衆亂也孔子語家語與上不費不殺相屬又有故曰字蓋古語而子述之非子自我也記者分引之以結上文

右第六章

承上章而推其義舉多少而大小高卑文質皆在其中矣

君子曰祭祀不祈不麾蚤不樂葆大不善嘉事牲不及肥

大薦不美多品大饗不問卜不饒富

二句曲禮○麾一作摩葆一作保○周禮

大祝掌六祈小祝掌祈禱詳皆有故而舉若常祭則無祈也齊人謂快爲麾葆猶盛也嘉事謂冠昏祭罔受福然不以求福爲心時固當蚤然不必過求其快豐備固可樂然篇正有常規嘉事固可美然莫告有常式牲罔欲肥順然全具有常度薦罔備物產然豆遵有定數此祭祀之當也王暨諸侯雖用祭器而不如祭之卜日雖有庭實而不以

饒益為富此饗賓之當也。○鄭以此大饗為記五帝呂氏
為南北郊按南北郊名禮記五帝名大族孔子分大饗大
族饗帝為三等則呂非矣天官記五帝十日春官記大神
祭大祗饗大鬼皆十日則鄭非矣周禮大冢天神曰祀地
前曰祭人鬼曰饗故春祠夏禘秋嘗冬烝皆曰享先王四
時之間祀追享朝享皆宗廟之名注季秋饗帝有饗名以
宗祀文王配上帝于明堂之太廟故被以宗廟之名諸侯
相朝及朝王饗之皆于太廟用祭器故亦被以宗廟之名
然惟禮重而物備始名大饗若郊則陶匏駢饋物不
備矣饗大夫以下禮不重矣故有饗名而不云大也

右第七章

因上懷與臨言之見不及不可過尤不可
亦與奢寧儉之意也自此以下俱以君子

曰禮也者
相間成章

禮也者猶體也體不備君子謂之不成人設之不當猶不

備也

人之耳目手足各有其位非其位與不備同甚言不
當之失○家語冉求問臧文仲知禮而孔子答之之

詞上有故曰字禮有大有小有顯有微大者不可損小者

不可益顯者不可揜微者不可大也故經禮三百曲禮三

千其致一也未有人室而不由戶者禮有大小顯微備也其不可損益揜大則

當也經禮如冠有三加皆有六禮祭有朝踐饋食之類曲禮如進退升降拜稽辭避之類其節雖有三百三千之異

而設之必當則同行君子之於禮也有所竭情盡慎致其

敬而誠若有美而文而誠若竭情無歉于心盡慎不違于

于品物文著于威儀顯人之至外心亦誠也凡以設之皆當而已若語詞君子之於禮也有直

而行也有曲而殺也有經而等也有順而討也有漸而播

也有推而進也有放而文也有放而不致也有順而撫也

推吐回反○直而行情所得伸無回曲也曲而殺如君前則名父父在為母期祭太祖不諱諸祖之類經而等上下一致如人十等遞相臣父母之喪貴賤一之類順而討循次遞減如降殺以兩之類漸而播芟取上物以及下如餼及輝胞翟閭之類推而進推下之禮使上同如昏禮極盛大夫于祫弟子舉解之類放而文加冕服旌旆放而不致如朝而裨冕墨車郊而大輅越席之類順而撫拾取尊者之禮如祭士之子亦舉奠喪亦乘人專道之類凡以殺之各當三代之禮一也民共由之或素或青夏造殷因其禮而已

亦然其道一也

素白也玉肅云舜尚青湯尚白鄭云青即黑也趙高變亂名實以青為黑以黑為黃

禮之大體如三綱五經民共由之而不能變其所損益不過或素或青之類若其大體則夏造于前殷因于後其禮之亦然者正以其道之一故董子謂道之大原出于天天不變則道不變也

右第八章

復統言之言禮必求其當蓋當則體順宜稱俱在其中當者人事之當然而所以當

則天理之本然也

君子曰禮之近人情者非其至者也郊血大饗腥三獻燔

一獻孰

孰熟通○禮本人情而作故曰王道必本乎人情然近情則褻遠則敬蓋情所由始亦致其敬而已

而口欲味目欲色情以欲而漸流故于人情彌近者于天

道彌遠如上古茹毛飲血血腥之薦乃祭所自始熟烹而

祭乃祭之成故血腥燔祭豈近人情正以天道遠人故邇

所自始以遠人為敬也大饗謂禘祫先王三獻謂祭社饗

五祀一獻謂羣小祀郊血先薦禘祫血腥連薦社饗五祀

血腥燔同薦羣小祀則直薦熟矣崔靈思曰郊以燔為始

廟以灌為始社饗以血始小祀以茹辜始是故君子之於禮也非作而致其情

也此有由始也是故七介以相見也不然則已慙三辭三

讓而至不然則已慙至陳作退悞○禮不貴近情如此則

君子行禮可以我情在于斯即起而

迨致之乎。蓋禮之始本于天成于聖其節文委曲正所以善致其情。卽如賓主相見必有介以道之。又辭讓而後進不然則過慤而野過慤而躁而情反無以致矣。○介如命數此舉侯伯以見例。故魯人將有事於上帝必先有事於類宮。晉人將有事於河必先有事於惡池。齊人將有事於泰山必先有事於配林。三月繫七日戒三日宿慎之至也。類一作郊惡池滹沱同○郊以稷配必先告稷魯無稷廟故于類宮告之或曰千郊所作宮告之曰郊宮惡池出山西繁峙縣河之從祀俗名小黃河配林在山東萊蕪縣或曰在阿縣泰山之從祀俗名小泰山故先告之繫繫牲于滹散齊時先戒百官百姓致齊時又宿尸及賓其卽事皆有漸不敢欲速而近情也。故禮有擯詔樂有相步溫之至也。詔一作紹相鄭去聲○擯以導儀詔以達意用以治亂步以見方禮樂有此乃從容和順亦不務欲速而近情也。鄭謂作樂有既時以

相督者之
行步恐非

右第九章

言禮有由始情當以漸致之不可迫也

禮也者反本脩古不忘其初者也

陳澧曰本心之初天所賦禮制之初聖所作反

之脩之皆不忘其初也。翔曰反本在自驗其心脩古貴心知其意故凶事不詔朝事以樂

醴酒之用。粢酒之尚。割刀之用。鬱刀之貴。莞簟之安。而棗

韞之設

擗踊哭泣不立相詔之以發于本心之哀不待言也。朝會燕饗必作樂樂之以本心之歡必如是乃

暢也。二者反本之事。粢酒三者已見祭義皆脩是故先王古之事。喪亦有相但告以節非教之當哀也。

之制禮也必有主也故可述而多學也

有主主于反本脩古先王制禮述述

而文然不忘其初故學者有所述。姚舜牧曰學禮而失其主雖多亦奚以為

右第十章

言禮有其初當反而修之不可忘也

君子曰無節於內者觀物弗之察矣欲察物而不由禮弗之得矣故作事不以禮弗之敬矣出言不以禮弗之信矣故曰禮也者物之致也天地惟有精微之德故能發揚而萬物附焉人心惟內慎其獨乃能外樂其發而萬物理焉此人心之德即天理之節故其用物必以內心之節觀之然後物理可見而因物以付之無不當也然人非聖人其心未必當于天理之節則作而致其情不能無失惟禮則聖人以大中至正之心體天道消息盈虛之理有以範圍天地曲成萬物故欲察物必以禮察之乃能得也然而察物不以理則無以得物理之宜其作事不當物理而人不敬出言不當物理而人不信矣故曰禮者乃物理之極致而人當由之以各造其極也是故先王之制禮也因其財物而致其義焉爾故作大事

必順天時為朝夕必放於日月為高必因丘陵為下必因

川澤是故天時雨澤君子達雅盛焉

財材通。物各適用之謂材。孟子有達財

者放依也因也。齊盛不已之意。禮為物之致。故先王制禮必因所用之物而推極其義。得乎物理之宜而後行之。故凡作大事必順天道之本。然與時宜之適。然如為朝夕必因日月出人之時。為高下必因山澤崇卑之勢。蓋天時者乃物理之自然。若時雨之澤。其化甚速。非有所強。君子作事必順天時。故其事之所達。盛衰不已。如時雨之化。豈有弗敬信者哉。○按此即前天時有生地理有宜之意。而此所該其廣。鄒以大車為祭祀朝夕為春分朝日秋分夕月高下為祭天圜丘祭地方澤似拘而是故昔先王尚有德孔以雨澤為祭天感而得雨尤謬

尊有道任有能舉賢而置之聚眾而誓之

此以用人明因材之義有德如

知仁聖義中和有道如孝友睦姻任卹有能如禮樂射御書數三者皆賢則舉而置之于位其餘眾人如月吉讀法

四時講事亦聚而誓以善之常為惡之當戒皆因材而致其義也。此即前人官有能之意鄭謂祭而擇士亦拘

是故因天事天因地事地因名山升中于天因吉上以饗

帝于郊升中于天而鳳凰降龜龍假饗帝于郊而風雨節

寒暑時是故聖人南面而立而天下大治假格同。此以祭祀明因材之

義中衷也誠也吉土建都之地圉正明堂皆在焉聖人仰

觀俯察崇效卑法凡所以事天地者莫不因天地之自然

故有時因名山以升中因吉土以饗帝而帝天饗之諸福

之物不期自致此天人相與之故咸于至微應于至顯故

聖人垂拱而天下治要惟因物而致其義也。按封禪之

說皆以此名山升中為據范曄謂王者易姓必封土為壇

以告天著一代之始後世莫守但修之陳氏易之謂巡守

升進此方諸侯治平之績以告天按巡守而慶賞則有之

從無以諸侯之績告天之禮且觀侯考績在柴望後無緣

未考先告也讀詩時邁篇曰昊天其子般之篇曰時周之

命則初受命而祭告誠有之後時巡但類而出至四岳不
再告也又四岳唯泰山有明堂餘三岳無有說者謂常出
乎震且岱代也易代于此一告耳凡祭天必燔于壇祭于
地爲壇曰封除地曰墀非別有封禪一禮也金縢玉檢滋
妄天道至敘聖人至德廟堂之上尊尊在阼犧尊在西廟
堂之下縣鼓在西應鼓在東君在阼夫人在房大明生於
東月生於西此陰陽之分夫婦之位也君西酌犧象夫人
東酌鸞尊禮交動乎上樂交應乎下和之至也聖人舉事
是聖人一天道也天不言而萬物成日月流行無非敘也
聖人無爲而萬民化禮樂交錯無非德也卽如廟祭之時
君在阼階而西酌犧象夫人在西房而東酌鸞尊是禮交
動乎上其堂下在西之應鼓亦與在東之應鼓相應是樂
交應乎下斯其和德之所感又豈不足以治天下哉○熊
謂射禮縣鼓與應鼓相應此是祭禮天子鸞尊在堂下此
禮器

是諸侯禮陳謂禮樂之器以西為上據周尊故東鼎夏尊故西縣鼓大故東應鼓小故西

反始也致鬼神也致和用也致義也致讓也致反始以厚

其本也致鬼神以尊上也致物用以立民紀也致義則上

下不悖逆矣致讓以去爭也合此五者以治天下之禮也

雖有奇家而不治者則微矣

祭義○始人心之本然鬼神

理所成皆其造化之迹也和用物各得所則用無不和所謂利物足以和義也義者分之嚴讓者情之遜微少也無也禮者物之致而豈僅因材物致其義已哉蓋人心始于知愛敬之良故知川物而物之生于天成于地皆鬼神之功是必合于人心順于鬼神乃能理萬物而為之用而其用之者又有上事下接之義不治則悖逆生焉又有往來辭讓之道不治則爭起焉先王制禮以治天下之情而非合此五者亦不足以治禮故必致反始以厚人心之本致

鬼神以尊天地之功致和川以立民之紀致義以明上下之分致讓以去爭奪之心夫然後足以治幽治明而民之上下平交無不治矣。○陳曰郊以反萬物之始歸以反生民之始亦通

右第十一章

上二章原其始初此乃推而廣之以極其盛也

禮也者反其所自生樂也者樂其所自成是故先王之制禮也以節事修樂以道志故觀其禮樂而治亂可知也

伯玉曰君子之人達故觀其器而知其工之巧觀其發而

知其人之知故曰君子慎其所以與人者

禮之飾文度數雖出人爲而尊

視等殺自天而出是禮乃反其所自生樂之欣喜懽愛雖出吾心而非治定功成無由以作是樂乃樂其所自成也先王反其所自生以制禮則率之進退隆殺皆天則之宜而有以飾人之事樂所自成以修樂則志之廣大和平皆形

見于樂而可以道人之志故觀其禮節樂和而世之治可知也。不然禮慝樂淫能無亂乎。遠伯玉言君子之人敏達故觀百工制器之良卽知其心之巧况禮樂皆心之發則觀其禮樂之足以節事道志而反所自生樂所自成之知不可知乎。夫禮之制樂之修祗吾心所發而能與人以治與人以亂故君子必慎之而不輕發也。太廟之

內牧矣。君親牽牲大夫贊幣而從君親制祭夫人薦盞君親割牲夫人薦酒。卿大夫從君命婦從夫人洞洞乎其敬也屬屬乎其忠勿勿乎其欲其饗之也。納牲詔於庭血毛

詔於室。羹定詔於堂。三詔皆不同位蓋道求而未之得也。

設祭於堂爲祔乎外故曰於彼乎於此乎。

此以下雜舉禮之大者以明禮

以節事之意此三節則以祭言也。納牲于庭先奉幣以告神而後殺故大夫奉幣以從天子及上公九獻制祭在朝

踐時侯伯無三獻故夫人卽薦盞割牲在饋熟時侯伯無
五獻故夫人卽薦酒子男并無夫人之薦此舉侯伯以見
側也制祭割牲則卿大夫從君薦盞酒則命婦從夫人
餉牲而毛謂祭義羹定以羹熟爲節者牲既熟將迎尸入
室行饋熟禮先以羹告神于堂與鄉飲同義陳訓定爲熟
肉侯鄭謂正祭助在廟門內釋祭在廟門外此言外指釋
祭愚謂對堂室言則門內亦外也一獻質三獻文五獻祭
疑純言之敬忠求饗皆內心之誠

七獻神大饗其王事與三牲魚腊四海九州之美味也遵

豆之薦四時之和氣也內金示和也束帛加璧尊德也龜

爲前列先知也金次之見情也丹漆絲纁竹箭與衆共財

也其餘無常貨各以其國之所有則致遠物也其出也肆

夏而送之蓋重禮也羣小記止一獻其禮質畧社稷五祀

則漸文山川則愈若至七獻以祀

賁則神明之矣而猶不若禘祫九獻者之為王事也舊說
五獻四望山川七獻先公禘祭亦七獻愚謂祫視公禘視
侯當不止五獻禘不輕于祫上祀先公以天子禮無緣止
七獻也金鍾也鍾以金簠而金之用莫重于鍾故或謂金
為鍾或謂鍾為金此內金謂尸入而奏肆夏與燕居篇入
門而金作皆謂鍾為金也金次之謂諸侯所貢之金下言
以鍾次之則又謂鍾為金也束帛加璧以侑尸也陳于庭
者以龜居前列為能紹天明故先之而金性從革不逆于
人故次之與眾共財王者富有四海而不私其有皆與眾
共之也尸出亦奏肆夏以送之入如是出如是以肆夏為
九夏之最重者鄭請肆夏為陔謂助祭賓出當奏陔夏非其
物備其樂盛合萬國之歡心以事先王如此所以為王事
也此明外
心之美
郊特牲而社稷太牢天子適諸侯諸侯膳用犢

諸侯適天子天子賜之禮太牢貴誠之義也故天子牲孕
弗食也祭帝弗用也郊特牲。此下五節以賓禮言郊先

以犢之牛皆柴壇上燔之後以其牛

正祭于地無羊與豕故一牲太牢則取肥腍且羊豕具矣天子禮來朝之諸侯止以社稷而諸侯膳天子比于郊天以誠為敬不在備物郊血大饗腥三獻爛一獻孰至敬也積無牝牡之欲故誠

不饗味而貴氣臭也諸侯為賓灌用鬱鬯灌用臭也大饗

尚服脩而已矣下大饗謂王饗諸侯諸侯來朝廟中將幣

鬯酌鬱鬯灌之上公再灌而酢侯伯一灌而酢子男一灌不酢灌畢設太牢之饌先服脩于筵前而餘饋次之夫大饗先王用氣臭而大饗諸侯亦灌用臭先王不饗味而尚服脩亦不饗味禮賓如事神敬亦至矣大饗君

三重席而酢焉三獻之介君專席而酢焉此降尊以就卑

也大饗兩君相朝饗之于廟亦用祭器敵則無降故席各

三重受賓酢亦然若使卿來聘大夫為介燕之時不以卿為賓而以大夫為賓禮當三獻卿大夫席皆再重以為

賓故設尊于卿而專席則君於受酢之時亦專席不敢以

君之尊臨賓故降而就之也此皆以少爲貴以其內心也
○按設席之時大夫亦再重大夫就席自微之而君不辭
者彼自爲卿讓卿亦不辭者又嫌于爲主也燕禮賓酢
主人不酢君此于君有酢者異國之臣不同本國也

旅

幣無方所以別土地之宜而節遠邇之期也龜爲前列先

知也以鍾次之以和居參之也虎豹之皮示服猛也束帛

加璧往德也

往熊本作任○旅陳也天子巡守增侯朝聘于天子及相朝聘凡行饗禮俱有庭實也物

庭有宜故不定其物地有遠邇亦不定其期鍾金也參之居庭實之間周禮璧以帛琮以錦琥以繡璜以黼侯伯用璧琮子男用琥璜若享于天子則皆以璧琮此亦舉一以例也往熊謂任猶尊也或謂有德而歸往或謂彼以德來我以德往

俱可通鼎俎奇而邊豆偶陰陽之義也邊豆之實水土

之品也不收用常饗味而貴多品所以交於且明之義也

賓人大門而奏肆夏示易以敬也卒爵而樂闋孔子屢歎
之奠酬而工升歌發德也歌者在上方匏竹在下貴人聲也
且鄭謂神或如字○籩豆詳祭義且明詩昊天曰旦昊天
曰明燕以賓門爲大門卿以廟門爲大門易以敬和易之
中有嚴敬也闋止也主君獻賓樂作賓卒爵樂止賓酢主
君樂作主卒爵樂止若賓非敵則賓及庭樂作主人獻賓
賓卒爵告有樂止主人獻公樂作公卒爵樂止歎之歎其
以然道和之妙也奠酬賓奠酬爵之時樂工升堂而歌以
德音之音發賓主之德也旅幣樂由陽來者也禮由陰作
遵豆皆以多爲貴以其外心也者也陰陽和而萬物得饗禘有樂而食嘗無樂陰陽之義
也凡飲養陽氣也凡食養陰氣也故春禘而秋嘗春饗孤
子秋食耆老其義一也而食嘗無樂飲養陽氣也故有樂

食養陰氣也故無聲凡聲陽也

俱郊特牲。因上言及樂遂并言禮樂以應禮以節

事樂以道志之意。又因祭饗而推言之。及于養孤老見其義皆相通也。天地之氣陽舒陰肅故樂由陽來禮由陰作。天下之物不外陰陽陰陽和而萬物得矣。則理天下詎外禮樂哉。大戴禮朝孤子八人以成春事爵士之有慶者七人以成夏事食農夫九人以成秋事息國老六人以成冬事。此舉春以該夏舉秋以該冬故錯言春諦秋食耆老也。諦嘗皆以追孝饗食皆以用恩而一用樂一不用樂饗諦用飲為陽食嘗川食為陰聖人舉事無不順陰陽以理萬物此陰陽之所以和而萬物各得其所也。○按周諦於時祭無不用樂春秋皆養孤子食耆老能謂此節殷制秋冬止有管絃之樂無鍾鼓之樂然商頌言庸鼓有奕卽祀帝言頌于蒸嘗能說未確也。蓋漢儒各以所聞為說耳。祀帝於郊敬之至也宗廟之祭仁之至也喪禮忠之至也備服器仁之至也賓客之用幣義之至也故君子欲觀仁義之

道禮其本也

此因上更推言之因統結之天尊故主敬廟

有不主則亦儉于親故必備服器乃為仁之至也和物足

以和義故賓客用幣為義之至合言之則忠即仁敬即義

仁義根于心而無形禮見于事而有象仁義雖禮所由生

而非禮則仁義亦無由而見故君子欲觀仁義之道必本

禮以觀之所謂觀其發而人可知也不然察物不由禮

何以得之哉前言禮樂而此言仁義禮近義樂近仁也

右第十二章

廣言用物之宜有以多為貴有以少為貴總欲其兩皆以申義禮禮之文之意

而末則欲人由禮之

文以深探其意也

君子曰甘受和白受采忠信之人可以學禮苟無忠信之

人則禮不虛道是以得其人之貴也

甘者味之中白者色之質故可以受和受

采而忠信則人之貴也人不忠信

則習于禮亦虛文耳何以行之哉

右第十三章

承上忠信禮之本而言前既廣言義理而後復歸本忠信見必本立而文乃行也

也

孔子曰誦詩三百不足以一獻一獻之禮不足以大饗大

饗之禮不足以大旅大旅具矣不足以饗帝毋輕議禮大

謂追享朝享舉一獻而三獻五獻該之周禮國有大故則旅上帝四望蓋合五帝而祀之若明堂之祀方明也祀五帝不名饗者無專鄉也若止祭山川名旅不名大矣饗帝謂南北郊誦詩三百可謂博于文矣而誠不至則不足以格神家語亦子對魯定公問郊語記者述之見必有忠信之本乃能通義理之文而可以談禮也

右第十四章

承上章以起下二章

子路爲季氏宰季氏祭逮闇而祭日不足繼之以燭雖有

強力之容肅敬之心皆倦怠矣有司跛倚以臨祭其為不敬也大矣他日祭于路與室事交乎戶堂事交乎階質明而始行事晏朝而退孔子聞之曰誰謂由也而不知禮乎

朝音潮。逮闕未鄉晨也。偏任為跛。傍物為倚。皆倦怠之容。室事正祭而事尸于室。堂事既祭而賓尸于堂。季氏上下大夫其禮如此。若天子諸侯則既灌亦迎尸出為堂事下大夫則即于室為加爵不宿尸也。父謂執事者往來之疾晏朝莫夕之時質明不必逮闕晏朝不必遲。燭器頤文而全恭敬故孔子許之。

右第十五章 子路忠信人也引孔子語以明得其人之為貴

孔子曰臧文仲安知禮夏父弗綦逆祀而弗止也燔柴於奧大與者老婦之祭也盛於盆尊於瓶

綦左作忌與家語作竈即竈變今從

鄭盛音成。文仲名辰。臧孫氏哀伯達之孫。伯氏饒之干。
夏父氏弗基名。時為宗伯。文公二年。大事於太廟。躋僖公。
傳雖閔公之庶兄。閔先立。則僖常為臣。臣不可先君。故躋。
僖為逆祀。當時宗有司爭之。展禽非之。而仲為政。卒躋弗。
基。是罪在仲也。周禮實柴祀日月星辰。血祭祭五祀。况廟。
中祭。竟祭發其神。不過古老婦之司坎者。并非五祀之寵。
其禮但盛食於盆。尊以瓶。酒耳。豈可以實柴重禮祭之乎。
王肅謂夏祀竈配以先炊。今不從者。以盛於盆。尊於瓶。非。
祀竈也。孔子曰。三日齋。一日川之。猶恐不敬。二日伐鼓。何居。
郊特牲。家語季桓子將祭。二日而鍾鼓之音不絕。冉有。
問而孔子答之。禮齊者不樂。大夫散齊九日。致齊一日。以。
因事繁也。季氏以九月。猶在散齊中。故音不絕。孔子言此。
實入致齊期限中。二日而猶鼓鍾。其志散矣。何以祭乎。蓋。
以從政可以。孔子曰。繹之於庫門內。訪之於東方。朝市之。
燕樂不可也。孔子曰。繹之於庫門內。訪之於東方。朝市之。
於西方。失之矣。
郊特牲。家語衛莊公改舊制。變宗廟易。朝市。高子皋問而孔子答之。蓋禮繹于廟。

門外之西室以常有事于此也于庫門則太遠矣訪于西方以賓尸故尊之也于東方非賓之矣前朝而後市以先義後利也皆于西則非辨之矣鄭謂朝時市于東夕時市于西今朝市于西失之考周禮市無分東西者恐未然

右第十六章

雜引孔子語以明非其人則禮不虛道

天子存二代之後猶尊賢也尊賢不過二代言諸侯大夫將之僭禮而先舉天子諸侯所不臣者言之見此乃天子諸侯以殊禮禮之非諸侯可用天子禮大夫可用諸侯禮也天子尊二王後故使杞宋修其禮物作賓王家所以尊其賢然止二代而已若如祝鮀焦陳未嘗不臣之也况他諸侯之諸侯不臣寓公故古者寓公不繼世諸侯禮失國之國乎諸侯所以尊其舊常與已等夷然止及身而已君故猶待以國若其子若孫未嘗不臣之也况本其國大夫乎天子無客禮莫敢為主焉君適其臣升自阼階不敢有其室也大夫

而饗君非禮也

天子禮諸侯故燕饗可以諸侯為客而天子適諸侯諸侯莫敢饗天子者諸侯不敢

有其國自為主而以客禮待天子也諸侯禮大夫故燕饗可以大夫為賓而諸侯適其臣升自阼階者大夫不敢有其室若饗君則自為觀禮天子不下堂而見諸侯下堂而主而以客禮待君矣

見諸侯天子之失禮也自夷王以下

此明失禮所自起春秋以客禮待諸侯則

天子下堂而以車出迎于門外春秋觀以臣禮待諸侯則天子負依以立諸侯執玉入觀春夏受贊于朝受享于廟秋

冬一受于廟蓋春尚和秋尚肅以明分也夷王名燹懿王子懿王崩弟孝王立孝王崩諸侯復立之王德其立已故

雖秋觀亦下堂出迎而王室始卑矣朝觀大夫之私觀非禮也大夫執圭而

使所以申信也不敢私觀所以致敬也而庭實私觀胡為

乎諸侯之庭為人臣者無外交不敢貳君也

朝觀國者親往而臣從則

無私親之禮。蓋聘之有私親者，君不往，但使執圭往使，故必中已之信于鄰國之君，然亦君命之，非私交也。若從君則不敢私親，所以事其敬于君，而是時且有庭實比于君之薦幣者，則直匹君而與君貳矣。臣敢如是哉。諸侯之宮縣而祭以白牡，擊玉磬，朱干設錫，冕而舞大武，乘大路，諸侯之僭禮也。天子之樂宮懸四面，諸侯軒懸三面，周王諸侯石大武之樂，象太公周召者，侯得用之，冕而總干，象武王者，不得用也。○按此明指魯禮為僭，持義勝于祭統明堂位而孔反。享門而旅樹，反坫，繡黼，丹朱中衣，大夫謂魯當用，皆哉。享門而旅樹，反坫，繡黼，丹朱中衣，大夫之僭禮也。○繡黼，讀綃，今如字。○享門，見前，旅樹，反坫，見檀弓。中衣，見玉藻。繡黼為黼文，詩素衣朱繡是也。冕服是綌，則中衣用素。皮弁朝服，衣端皆麻，則中衣用布。今大夫以繡黼為中衣之領，丹朱為巾之緣，皆僭諸侯矣。庭燎之百，由齊桓公始也。大夫之奏肆夏也。由趙文子始。

也。周禮司烜氏有大賓共庭燎。大戴禮天子百燎。上公五十。侯伯子男三十。庭燎以百。僭天子矣。周禮王出入奏王夏。尸出入奏肆夏。牲出入奏昭夏。四方賓來奏納夏。臣有功奏章夏。夫人祭奏齊夏。族人侍奏族夏。客酢而出奏陟夏。公出入奏騶夏。燕禮賓及庭乃奏肆夏。大射禮公升卽席奏肆夏。蓋王夏惟天子用之。肆夏以下諸侯得用。陟夏則大夫亦用。文子名武。晉大夫奏肆夏。僭諸侯矣。其僭皆以時爲盟主。諸侯來朝。故所謂禮樂自諸侯出。又降而自大夫出也。按鄭謂九夏頌之族類。樂崩從之而亡。是也。呂叔玉因時適有肆于時夏句。欲以當肆夏。并以執競思文當繁過渠。今讀其詩與尸出入何與。而昊天其子。諸侯敢通用乎。餘八夏以何詩當之耶。蓋樂有金奏笙奏。笙奏梓。小金奏。聲安有不歌。而但奏器者。諸侯不敢祖天子。有歌詩而卽以調合之者。若今七調然。大夫不敢祖諸侯。而公廟之設於私家。非禮也。由三桓始也。魯桓公四子。長莊公。次慶父。次叔牙。次季友。慶父叔牙罪誅。而季友隱其惡。仍爲之置後。故仲叔以季爲大宗。

且立桓廟于家。稱三桓焉。其宗季禮也。立桓廟。非禮也。○
按孔謂天子之子以上德爲諸侯。得祀其所自出。故魯立
文王廟。公子爲大夫。得立宗廟于采地。故邑有先君之廟。
曰都。王子母弟無功德。不得封。食采畿內。亦得立祖王廟。
故周禮都宗人家宗人掌祭祖王廟。愚謂皆非也。天子之
子以上德封。不得以上德祖天子。且言無功德。不封。亦于
采地立祖王廟。是無人不祖天子矣。明堂位言以禘禮祀
周公于太廟。不言祀文王。左傳吳子卒。臨于文王廟。蓋魯
爲諸姬之大宗。昏喪必告。而王姬歸齊。季姜歸周。多使魯
主之。故立文王廟以爲統宗之地。所謂宗則太廟當祀文王。
非以爲祖。故有告而無祭也。若以爲祖。則太廟當祀文王。
而周公不得稱太廟。殆諸當于文王廟。不于周公廟矣。若
季雖爲三家之宗。而君在焉。昏喪皆告于君。君之嫁娶亦
不使季主。不得援魯立文王爲例。而立桓公廟。且以爲祖
而祭之也。邑有先君廟。如武王遷鎬。而文王廟猶在豐。故
成康大事告廟。必至豐。晉遷絳。遷新田。而桓莊廟猶在曲
沃。故傳言曲沃君之宗。非王子公子。各得立廟于其邑也。
又周禮都宗人家宗人掌都家之祭祀。凡祭祀歸福于國。

國有大故令禘祀既祭反命于國並無掌祖王廟之文蓋所祭者乃卿大夫之祖臣祭亦歸福于公曰膳禘祀亦及先臣若所云百辟卿士之有功于民者或其地有山川及因國之無主後者非祖王也儒者說經欲以明禮而曲為非禮緣飾可乎故天子微諸侯僭大夫強諸侯脅於此相貴以等

相覲以貨相賂以利而天下之禮亂矣

通結上文言其始以天子之微而諸

侯敢于僭其極以大夫之強而諸侯為所脅至于越其等列以相賈顯其貨利以相誘而天下之禮無不亡矣蓋其疾之大夫強而君殺之義也由三桓始也俱郊特牲。三桓之殺若慶父

給叔牙酖記者深忿大夫之強而諸侯脅故作此快辭其實專殺大夫亦禮所不許必告于王乃殺之也

右第十七章

復雜舉諸禮而推其義罔歷舉其失禮之大者而指其所由失禮至此不惟不

能增美而反人于同夫惟不忠信因不講于義理也

終

禮記卷九之二

任啓運章句

禮運

孔本第九內本第二十八今定為第三十三○

朱子曰胡明仲云禮運子游作陳結曰記帝王
因革及陰陽造化流通之理疑子游門人所記芮
城曰以運會言則自唐虞而三代大同而小康衰
而為杞宋幽厲為幽國燕國僭君脅君汗隆升降
皆時會為之以運行言則自分天地轉陰陽柄四
時播五行垂而為日星歲而為山川明有制度幽
有鬼神變化流行皆太一為之也一篇前後義兼
兩端姚舜牧曰其大旨要在謹禮謹禮則能挽小
康為大同承天道以治人情乃君之大柄然治必
有本故貴立身無過之地其下教以守正教以作
則教以修義之柄禮之序明于順乃能守危總貴
成君身見治人必先自謹也黃叔賜曰天人相為
待應先法陰陽而作禮樂終以禮樂而贊陰陽按
如此則運會雖有不齊而王者自能挽之矣張子
云禮運是一大片段文字渾然持大體讀之自見

細碎求之必不得今欲
易曉姑析爲十二章

昔者仲尼與於蜡賓事畢出遊於觀之上喟然而嘆仲尼
之嘆蓋嘆魯也言偃在側曰君子何嘆孔子曰大道之行
也與三代之英與觀並去聲○家語是時孔子爲魯正未之逮也而有志焉
司寇凡祭必立賓言與非正賓也觀卽臺門見禮器嘆魯
之意詳後四章英其最著者未逮而有志亦欲爲東周之
意大道之行也天下爲公選賢與能講信修睦故人不獨
親其親不獨子其子使老有所終壯有所用幼有所長矜
寡孤獨廢疾者皆有所養男有分女有歸貨惡其棄於地
也不必藏於己力惡其不出於身也不必爲己是故謀閉

而不興盜竊亂賊而不作故外戶而不閉是謂大同

矜矜

語無男有分二句○此言大道之行也天下為公舉天下人無有私己也上之人所選者惟賢所與者惟能為天下得人
之公也所講者信義所修者親睦一天下太和之公也故下之人亦順之而無不公焉不獨親吾親而且及人之親不獨子吾子而且及人之子蓋其為治惟使老幼壯者各得其所鰥寡孤獨各得其養男各有所事女各有所依貨無所棄力無所斫如是而已是以變詐不生戶反設于外而不閉此淳朴未漓之世舉天下猶一家中國猶一人故曰大同也壯有所用如
秀者用之學朴者用之農
今大道既隱天下為家各親

其親各子其子貨力為己故謀用是作而兵由此起

今本

錯出

大人世及以為禮城郭溝池以為固以設制度以立

田里以賢勇知以功為己禹湯文武成王周公由此其選

也此六君子者未有不謹於禮者也禮義以爲紀以正君

臣以篤父子以睦兄弟以和夫婦

五句今本錯以設上

以著其義以

考其信著有過刑仁講讓示民有常如有不由此者在勢

者去衆以爲殃是謂小康

家語無故謀等句止有大人七字禹湯二十六字下有禮之所

與與天地並如有不由禮而在位者則以爲殃二十一
○此乃言三代之英也天下爲家人人有自私之意也下
之人止知有親不知及人之親止知有子不知及人之子
貨必藏于已之家力必出于已之用故欺詐之謀用是爲
已之意而生乎戰之兵由是爲已之事而起卽上之大人
亦不能不私其貨力而以高其城郭深其溝池爲固大異于選賢
舉能外戶不閉之世矣由是因世及之意設建國立家之
制度以處其子孫自公卿至士庶各授用以養之里以居
之各有其貨各保其力且有善用其力而爲勇善用其謀

而爲知者則賢之有能爲我定謀爲我宣力者則功之此
運會變遷之勢雖大人亦不能挽也而禹湯文武成王周
公六君子則由此而爲三代之英選矣蓋此六君子未
不謹于禮者也人禮由義起必以禮爲人倫之紀君臣主
敬禮以正之父子主恩禮以篤之兄弟一本禮以睦之夫
婦有別禮以和之各得其宜如此則禮行而義以著且行
之實而信以成其能者可以此舉之不能行而有道者亦
以此著之而相型者仁仁爲禮之本也相講者讓讓爲禮
之實也蓋世道之變起于民心之無常君子謹禮正以示
民有常也如有不由禮者則勢位必亡人皆以爲殃禍所
必及矣此其兢兢業不敢縱恣之心視大同之氣象殊小
禍亂不作抑亦可以爲康也○禮自天高地下萬物散殊
已行乎其間宜至三代而後有持大同之世人心物移日
由遠而不知至三代乃覺聖人以此爲教耳以唐虞禮義
農則唐虞已覺其文以夏殷視成周則夏殷猶存其朴風
氣漸開而漸薄聖人裁成以攸其萬輔相以順其開要亦
與時偕行而已

右第一章

言上古不見有禮至三代乃見禮治之

急也。○愚按家語原文知記者刪改求高而得謬細推疏義又知本文有錯簡故正之至大同小康之說王石渠嘗爲近于老莊但孔子謂鄒魯善武未盡善孟子謂堯舜性之湯武反之聖人分上不同則治化亦異但總是天理上事與私心詐力迥殊後人非湯武者純度以後世私心護湯武者又不識聖人分上階級均之無富耳

言偃復問曰如此乎禮之急也孔子曰夫禮先王以承天

之道以治人之情故失之者死得之者生詩曰相鼠有體

人而無禮人而無禮胡不遄死是故夫禮必本於天載於

地列於鬼神達於喪祭射御冠昏朝聘故聖人以禮示之

故天下國家可得而正也

家語闕失之至于地三十八字○天渾然一理而所生之物莫

不各有自然之則于其間此天道之本然也然天之遺無
不同而人之情則有異其喜怒哀懼愛惡欲不能無過不
及之差惟聖人本天則以治之使不失其則也詩衛風相
鼠篇般布散之意列則布散之而有行列次序也天資始
則一地資生則分鬼神又天地之功用故聖人之承天也
大始取諸天之一順承取諸地之布其屈伸變化取諸鬼
神之推遷而後達于吉凶賓嘉之禮以治情此天下國
家之所以無不正也鬼神兼後山川五祀祖廟言之

右第二章

本上章言聖人之以禮治人皆本于天道
本天治人一篇大旨下文反覆申言之

言偃復問曰夫子之極言禮也可得而聞與孔子曰我欲

觀夏道是故之杞而不足徵也吾得夏時焉我欲觀夏道

是故之宋而不足徵也吾得坤乾焉坤乾之義夏時之義

吾以是觀之

夏時鄭曰四時之書其存者有小正坤乾
易先坤後乾即歸藏也坤乾言義即象而探

其理夏時言等推類以盡其餘子游欲聞禮制之全孔子
言我欲夏殷之道故之杞宋無如杞宋文獻不足禮已無
徵然我卽坤乾一書以知其意卽夏時一書以槩其夫禮
全而不足徵者皆如見之特無徵不信不可名言耳

之初始諸飲食其燔黍捭豚汗尊而抔飲蕢桴而土鼓猶

若可以致其敬於鬼神此揅音伯汗音蛙抔音裴蕢由通○

古木有釜甕漸黍米裂豚肉而加之燒石之上以爲熟米
有尊等掘地汗下以注水而兩手掬之以爲飲其爲飲食
至陋而心知報本卽以此爲祭而且以由擊地以及其死
樂神此其致敬于鬼神者人情卽天道之自然也

也升屋而號告曰皋某復然後飯腥而苴孰故天望而地

藏也體魄則降知氣在上故死者北首生者南鄉皆從其
初孰熟通○復見大記飯含也腥生肉鄭曰生米禮之初
如是生而知致敬于鬼神故及其死也人亦以鬼神事

之升星魄之不生然後飯腥于舍之時宜熟于葬之日其
飯腥者以木燔之前如是其且熟者以既燔之後如是則
以飲食之道待之也所以然者神陽鬼陰陰陽合而生散
而死又生為陽死為陰今見其體魄之降為陰為鬼則知
其氣之上為陽為神神升故望諸天以號之鬼降故藏諸
地以葬之天陽而地陰也見人生皆喜南鄉則知死必喜
北有兩陽而北陰也凡此順于鬼神者皆從其初致
敬鬼神之一念而生此人情即本天道之自然也 昔者

先王未有宮室冬則居營窟夏則居橧巢未有火化食草
木之實鳥獸之肉飲其血茹其毛未有麻絲衣其羽皮後
聖有作然後修火之利范金合土以為臺榭宮室廟戶以
炮以燔以亨以炙以為醴醕治其麻絲以為布帛以養生
送死以事鬼神上帝情從其朔

櫨音曾○因上層氣飯腥而推言火之利骨實累土

以居若獸之穴。檜巢，檜木以處。若鳥之巢，茹毛，去毛不盡，而并食之。上古燧人始出火，而用未廣，神農修之，乃食其也。范，形模也。無屋曰臺，臺有屋而四達曰榭。裏而燒曰炮，加火，上曰燔。鑊以煑曰烹，賁而燔曰炙。醕，即作菜，金以火鑄土，以火陶，炮燔烹炙皆以火熟。酒醕亦火熟，而后釀之。麻蘭亦火煮，而後可積，可燥，可凍，皆修火之利也。朔，繼事之初。此又因致敬鬼神之事，而通益之也。故，予酒在室，醴醕在戶，粢醢在堂，澄酒在下，陳其饌牲，備其鼎俎，列其琴瑟管磬鍾鼓，修其祝嘏，以降上神，與其先祖，以正君臣，以篤父子，以睦兄弟，以齊上下，夫婦有所，是謂承天之祜。

醴體通粢，鄭讀齊才，反。今如字。○周禮五齊

一泛齊，始造一宿而滓上浮，此不言非天子不用也。二醴，齊其米，微有體而未化，即醴也。三盎齊，酒成而滄然，葱白色，即醴也。案六穀之總名，釀酒以粢，故中舉之。四醴，齊其熟而紅赤，即醴也。五沉齊，酒極熟而滓沉，即醴也。案六齊

也一清酒新解者賓長獻尸自酢用之二事酒舊釋者卑
賤執事用之三昔酒冬釀夏成陪位無事者用之平酒室
內近北泛齊室中醴戶內醴戶外醴堂上澄堂下三酒在
澄之南先平酒以從古味愈厚則愈卑牲鼎以備養列音
以備樂祝版以備事此皆三代謹禮之事備物如此當祭
之時君臣父子兄弟上下咸得而又夫婦有所以備內外
之官定陰陽之位雖未獻而已可格神矣作其祝號平酒以祭薦其血毛腥其

俎執其殺與其越席疏布以暴衣其淅帛醴醢以獻薦其

燔炙君與夫人交獻以嘉魂魄是謂合莫越一作越音活

○此言朝踐時事周禮六號一神號若昊天上帝二鬼號
若皇祖皇考三示號若后土皇祇四牲號若一元大武剛
殿采毛五酒號若明粢菲合六幣號若嘉玉量幣皆祝稱
之以告神也最體解也執謂獨之周禮兩祭不用越席疏
布孔云此夏殷禮孔子于此取之或殷略之義也將帛陳
帛也王禮三獻之齊四獻醴齊其醴于饋食用之饋供不

用泛齊故醢卽于此用之君獻尸賓長以肝從夫人獻尸
兄弟以燔從君初獻夫人亞獻君三獻夫人四獻故曰交
多酒血毛腥俎從上古熟殺醢醢燔炙從中古物備矣而
又君與夫人交獻合人陰陽之官使鬼神陰陽之既獻者
其莫之中亦于是合焉易曰嘉會足以合禮嘉鬼神之魂魄乃所以合之也然後退而合享體

其大豕牛羊實其簠簋邊豆銅羹祝以孝告嘏以慈告是

謂大祥此禮之大成也

此言饋食時事合烹既薦燔而復熟之也尸俎惟載右胖烹則合之

既烹乃分別牲體之貴賤以供尸及賓客獻酬之俎也士
牲川豕大夫加羊諸侯加牛此又加大先儒疑上公禮若
天子又加馬與雉也銅羹肉汁之有菜和者餘見祭義辨
善也此從今禮饋食既享于神而恩意之及賓客兄弟者
又周流普徧至祝以孝告而人之心達于鬼神嘏以慈告
而鬼神之心亦達于人陰陽交而幽明洽豈不大善乎夫
禮之初始于一敬然上古荒畧禮猶未成至三代歷質文
之變極損益之宜而情文大備此禮之大成而爲三代也

英也欲聞禮之極即此可觀矣
禮莫重于祭故專以祭言之

右第三章

極言禮之盛所謂郁郁乎文吾從周者也
聖人豈貶三代尊上古哉○朱語別屬問

禮篇以
此為正

孔子曰嗚呼哀哉我觀周道幽厲傷之吾舍魯何適矣魯

之郊禘非禮也周公其衰矣杞之郊也禹也宋之郊也契

也是天子之事守也故天子祭天地諸侯祭社稷

家語上
有言

曰今之君子莫知由禮何也句○周道傷于幽厲則欲觀

周禮必于魯然周公制禮以垂萬世而壞之者乃在其子

孫周公不已莫乎夫杞宋之郊亦為其祖禹湯常為天子

一代之制作子孫當世守之耳夫天子祭天地諸侯祭社

稷周公所定之禮甚明魯諸侯而可郊

祝嘏莫敢易其常

乎不言諸諸猶成王賜郊未嘗賜也

古是謂大假祝嘏辭說藏於宗祝巫史非禮也是謂幽

假家語作嘉宜從之○常古常行之古法周禮大祝掌六

祝六祈皆繫諸六典藏之太史屬于春官易變而增損也

君明德以薦馨香則祝史正辭而其善大矣若但祝史隨

藏其辭說而人不知則必矯誣求媚非昏昧之國而何哉

尊及尸君非禮也是謂僭君夏用醢殷用桎祝先奠于鉶南尸入舉之祀宋天子之事

守故以獻尸及君諸侯用之是僭禮之君也孔謂魯賜故得用冕弁兵革藏於私家非禮

也是謂脅君冕弁君賜乃服兵革私家不藏大夫世其官而竟藏之所謂大夫強而諸侯脅也禮樂征

伐自諸侯出矣大夫具官祭器不假聲樂皆具非禮也是謂亂國

天子六卿諸侯三卿大夫惟有家宰其屬亦置家司馬司徒然攝官不備也四命受器乃備祭器大夫有采置而不備無采并不得置天子之大夫判縣諸侯之大夫左錡右

蔡若未賜并不得用故少牢禮不言奏樂亂國君臣無別

期不使以褻褻人朝與家僕雜居齊齒非禮也是謂君與

以哀笑人朝視其朝如私家也或輕其臣而使與家僕雜居齊齒是如仕于公者如仕于家而公朝無異于私家也

其臣正以自輕所詐也故天子有田以處其子孫諸侯有

之制度也天子蓄文武之子孫賢如魯衛皆建國若毛鄭亦有采地以爲卿大夫其餘天子子孫不得建國賢者分

以畿內之田不賢但養以畿內公田之餘諸侯子孫賢者亦受采邑不賢亦養以田之餘大夫不得割采邑與子孫

夏 三 體 運 轉 圖

但養以祿入而已如此則使之故天子適諸侯必舍其祖
各得其分而禮制行爭奪息也

廟而不以禮籍入是謂天子壞法亂紀天子巡守諸侯不

故舍天子于祖廟若非禮而輕通諸侯與舍其祖廟而苟
為嫖嫖是壞法亂紀自天子始也鄭曰禮籍諸侯之廟牒

天子雖尊猶有敬天子雖尊猶有敬諸侯非問疾弔喪而入諸臣之家是謂

也自拱勅也亦通問疾弔喪見大記譚猶戲也天子棄禮而諸

君與臣為譚侯僭諸侯棄禮而大夫僭其端皆起于上可

不謹不謹是故禮者君之大柄也所以別嫌明微儆鬼神考制

度別仁義所以治政安君也故政不正則君位危君位危

則大臣倍小臣竊刑肅而俗敝則法無常法無常而禮無
列禮無列則士不事也刑肅而俗敝則民弗歸也是謂滅

國以治之柄乎嫌者以而難辨禮以別之則決微者細而難知禮以明之則著見神遠而難求禮以儉之則格制度繁而易治禮以考之則定仁義相為體而一輕一重各有當焉禮以別之則辨此皆所以治政而君身賴以安也不然則政不正而君位亦危矣帝者不法竊者不廉君不君則臣不臣也君臣皆不正則思峻法以馭民而俗亦敝俗敝則將施不測之恩威以誘民震民而法愈無常則顛倒衡決常制蕩然而禮愈無列矣夫禮無列則朝不信道而士不事刑賞俗敝則民無所措手足而不歸其病庸可瘳乎

右第四章

此乃明前之發嘆之故見當時不由禮而在勢者將危亦眾以為殃也

故政者君之所以藏身也是故夫政必本於天殺以降命命降於社之謂殺地降於祖廟之謂仁義降於山川之謂

興作降於五祀之謂制度此聖人所以藏身之固也

居而

安也政治則君安故政為君之所以藏身然政非君所能
自為也必本乎天而散布之以降命焉夫天無所不統天
命亦無時不行君能法天則于社見地道承天之理可以
別嫌明微于祖廟見率祖率親之理可以別仁義于山川
見鬼神生物之理可以備鬼神于五祀見四時分職之理
可以考制度如此則足以治政而君亦安聖人之藏身之
而且久凡以此也○統言之則祖廟山川五祀皆鬼神故
前曰列于鬼神下曰並于鬼神分言之則草木之榮枯水
泉之盈涸鬼神之屈伸往來在山川尤易見故後曰山川
所以備鬼神其以敬地見別嫌明微者易曰初六履霜陰
始凝也馴致其道至堅冰也陰凝于陽必戰故聖人參於
嫌于無陽故稱龍焉故別嫌明微在于敬地故聖人參於

天地竝於鬼神以治政也處其所存禮之序也玩其所樂

民之治也

治政以安身而所以治政惟在于禮故聖人制禮必參天敬地而以身參之必降于祖廟五祀

山川而以身並之也。所有謂體之身而藏於心。所樂謂誠其身而及乎物。聖人平日所居而安者。其非天地鬼神自然之則而所樂而玩者。又皆人情受治之所當然。此其所以身安而政無不治也。○按文義與易繫傳所居而安四句相似。或故天生時而地生財。人其父生而師教之。四者分禮樂非。故君者立於無過之地也。生時生財皆天地之功用。則有天地而鬼神在其中。人皆受生于天地。而又加以父師之養教。然天地父師各一其道。而不能相通。惟若義成輔相。可以參天地之功。正德厚生。可以兼父師之道。以正用之。足以爲民之治。然必先自立于無過之地。乃可以治民。故處其所存必于禮之序也。故君者所明也。非明人者也。君者所養也。非養人者也。君者所事也。非事人者也。故君明人則有過。養人則不足。事人則失位。故百姓則君以自治也。養君以自安。

也。事君以自顯也。故禮達而分定。故人皆愛其死而患其

生。陳讀上三。明字爲則。鄭讀則君則字爲明。今並如字。○君當立于無過之地。故必自明其德。使民共仰其明而

非以明人爲事。且爲人所養。所事不身爲養。人事人之事也。蓋君以明人爲事。則自治。雖而不能立身無過之地。且

養人。則勢有不給。事人。則失居尊之體。而并無以治民。故皆不爲也。惟百姓則當則君之明。以自治。且供賦以自安。

其分效忠。以自成其名耳。蓋如是。則禮之序自上而達于下。人衆著于君臣之分。皆知則君養君事君爲吾分所當

爲。如此。則心安理得。死亦其所愛。不如是。則無以立天地間。而生亦其所患矣。此禮之序。卽民之所以治。而聖人之

所樂而玩者。原不越所居而安者也。陳謂君不可則人恐開侮慢自賢之病矣。故用人之知去

其詐。用人之勇去其怒。用人之仁去其貪。人皆知則君則知用之。觀法而

變詐去。皆知事君則勇。用之宜力而暴橫去。皆知養君則仁。用之愛戴而私利去。是君能以正用而用民。皆歸于正。

也若滅武仲之知則用其詐。弑獻子之戰。故國有患。君死。則用其怒。陳氏之厚施。直用其貪而已。社稷謂之義。大夫死。宗廟謂之變。變鄭廣辨。非今如字。死皆公義也。如君死。社稷義之正也。若大夫死。其宗廟則知有家。不知其國。豈非變乎。晏子言君為社稷死。則死之。若皆樂從。范中行之亂。其家衆多為之死者。蓋以為義而為之。不知其為變。大惟禮不違而分不定也。

右第五章

此承前先王承天之道而申言之

故聖人耐以天下為一家。以中國為一人者。非意之也。必知其情。辟於其義。明於其利。達於其患。然後能為之。耐鄭能字孔云。能三足。隨後世。借能代耐。幸存者一二而已。○知人之情。而因示以當然之義。合義則利。失義則患。然後民之所愛。所患。皆合于義。所以能天下為一家。中國為一人。不異于大道之行也。何謂人情。喜怒

哀懼愛惡欲七者弗學而能何謂人義父慈子孝兄友弟
睦謂之人利爭奪相殺謂之人忠故聖人之所以治人七
情修十義講信修睦尚慈讓去爭奪舍禮何以治之愛與
而不同者愛因物生欲自我出愛泛悅之欲求得之也循
十義而相信相睦則爲大利反十義而相爭相奪則爲大
害聖人所以治飲食男女人之大欲存焉死亡貧苦人之
情惟明禮而飲食男女人之大欲存焉死亡貧苦人之
大惡存焉故欲惡者心之大端也人藏其心不可測度也
美惡皆在其心不見其色也欲一以窮之舍禮何以哉喜
愛皆欲之屬怒哀懼皆惡之屬故欲惡爲心之大端心藏
于內似乎難知而聖人必知其情者惟以禮照之也言動

皆合乎禮則其情必平不然情動于中而失即形于外以
禮照之必無遁情孔孟所謂為度者也○湯三才曰身有
禮乃能以
禮觀人

右第六章

此承前治人之
情而中言之

故入者其天地之德陰陽之交鬼神會五行之秀氣也
德以實理言交以變合言會以聚聚言秀以純全言乾健
而不息坤順而有常天地之理必乘乎氣以運天氣下降
地氣上濟而陰陽于是乎交其始交也乃神之伸其既交
也即鬼之屈而此陰陽之氣又有中與老少之不同則為
木火土金水陽變陰合鬼屈神伸五氣順布萬物化生而
于其間又有偏全純駁之不同其偏者駁者為物全者純
者為人故人者即天地健順之德陰陽變合
之交鬼神屈伸之會而五行純全之秀氣也故天乘陽垂
日星地乘陰藏於山川播五行於四時和而後月生也是

以三五而盈三五而闕

此先以天地之和言之見人所以

乘者陽而日星光垂于下是陽常下施地在下其所乘者

陰而山川竅通于上是陰常上濟陰陽變合而陽之稱爲

木司春陽之盛爲火司夏陰之少爲金司秋陰之老爲水

司冬冲氣爲土居中而附于四季和氣順布則日順軌而

月隨之朔望盈闕皆以三五爲期而無腠腧之患也

姚舜牧曰五行生數自一至五合之得十五故盈闕皆以

三五爲期湯道衡曰盈者闕之始闕者盈之始愚按三五

明成而魄生又三五魄成而明生故皆曰月生蓋天地之

數河圖之中以十環五而洛書五行之動迭相竭也

縱橫斜列四周皆得十五也

戴之意思謂亦終禪之意蓋由前而觀則火所負戴而生

我者木自後而觀則木禪火而木之氣亦終竭矣土生于

火金生于土水生于金木生于水皆然

五行四時十二月

所謂逝者如斯夫終則有始天行也

還相爲本也

本猶根也陰根陽陽根陰木根水水根金金根土春爲夏根夏爲秋根三月爲二月之根

二月為三月之根循環無端無有止息也。○五聲六律十二管還相為宮也。五聲宮商角徵羽也。六律黃鍾太簇姑洗蕤賓夷則無射陽為陰法也。加六間

之陰以呂之大呂夾鍾仲呂林鍾南呂應鍾則十二管矣。蓋天之中數五五以為聲天陽奇故正聲止于五地之中數六六以為律地陰偶故律必呂之而成十二管也。夫聲合清濁正變亦十二焉故十二律以節之而止言五聲者宮商角徵有濁有清羽已至清故無羽清是四清即五聲之再周變宮變徵及變宮之清皆不用則所用仍五聲也。以今器色言之四宮也。乙變宮也。上商尺角工徵凡變徵六羽也。而宮調乙凡不用則猶五聲也。旋相為宮者毛奇齡曰正生清由低而高林鍾夷則南呂無射應鍾接七正環而至千高如宮調四上尺工六而繼以四仕伋仁也清生正由高而低蕤賓中呂姑洗夾鍾太簇接五清環而至千低如工四而下有六工尺三聲也。推之七調皆然。○舊說宮商角徵羽五音尊卑之次宮徵商羽角五聲相生之次黃鍾子大呂丑太簇寅夾鍾卯姑洗辰仲呂巳蕤賓午

林鍾未夾則申南呂西無射戌應鍾亥十二管順序之次
 黃鍾一林鍾二太簇三南呂四姑洗五應鍾六蕤賓七大
 呂八夷則九夾鍾十無射十一仲呂十二十二管相生之
 次如第一黃鍾宮則林鍾徵太簇商南呂羽姑洗角應鍾
 變宮蕤賓變徵第二林鍾宮則太簇徵南呂商姑洗羽應
 鍾角蕤賓變宮大呂變徵第三太簇宮以下通以次遷十
 二律各旋五聲則六十律名加二變則六十四調按聲無
 羽下能生變宮之理則毛氏次變宮于正宮下變徵于正
 徵下得之且黃鍾為陽律之首不待仲呂之生大呂陰呂
 之首不待蕤賓之生毛氏謂黃鍾至尊周律得五清大呂
 得四清太簇得三清夾鍾得二清姑洗得一清然皆能補
 救以全其清仲呂周六律蕤賓周五律皆無清林鍾下五
 律祇清聲耳故調止于七則舊所
 云六十律六十四調皆虛談也
 五味六和十二食還相
 為質也和去聲○春酸夏苦季夏甘秋辛冬鹹為五味加
 本味之淡為六和十二食十二月所食相為質如
 夏以苦為主春
 以酸為主也
 五色六章十二衣還相為質也
 春青夏赤
 夏以苦為主也
 以酸為主也
 五色六章十二衣還相為質也
 夏以苦為主也
 以酸為主也

白冬黑爲五色如天之玄爲六章十二衣十二
月所服相爲質如春以青爲主夏以赤爲主也故
人者天地之心也五行之端也食味別聲被色而
生者也天地無心而人
居天地之中具天地之德是天地爲體而人爲
心代天地以有思者也五行無端而人具五行
之氣是五行之用也而人之用顯代天地以有爲
者也且五行之氣越于聲味草于色而人皆資以
爲養則又取精多而用物多所以爲萬物之靈也
○問人者天地之心朱子曰天道福善禍淫善者
人欲福之淫者人欲禍之又曰教化皆是人賦
湯三才曰論其初造化是活的人是造化做就的
論其後則天地做不來的事都要人做轉覺造化
是定的人是活的

右第七章

明人所由生見人之情原本于天之道也

故聖人作則必以天地爲本以陰陽爲端以四時爲綱以

日星爲紀月以爲量鬼神以爲徒五行以爲質體義以爲
器人情以爲田四靈以爲畜陽人之生也由于天地之德陰
地爲本陰陽爲端本者根諸自然之理端者因其自達之
機木尚無形而端稍有可見也四時日月卽天地陰陽之
運行而可見者柄所以舉紀所以理量所以槩聖人舉事
因時以準其大綱而每日所行又細別其條理至于積月
之久又統大槩以考其成然後本立而末已該端引而終
亦見天地陰陽之理乃無餘蘊矣而猶未已也鬼神之變
化無息而聖人以之爲徒其無息同五行之功用各正而
聖人以之爲質其各正又同是聖人所制之禮其義至精
而爲法至當如規矩之于方員繩墨之于曲直眞足以爲
治情之器而人情爲田禮以耕之至于大化翔洽四靈且
以爲畜矣○陳澧曰日星爲紀如日中星鳥日永星火所
以紀時而作事尹再泰曰每日星遷一度故曰日星器如
易立成器以爲以天地爲本故物可舉也以陰陽爲端故
天下利之意

情可睹也。以四時爲柄。故事可勸也。以日星爲紀。故事可
列也。月以爲量。故功有藝也。鬼神以爲徒。故事可守也。五
行以爲質。故事可復也。禮義以爲器。故事行有考也。人情
以爲田。故人以爲輿也。四靈以爲畜。故飲食有由也。天地爲本
則萬物皆末。本得而末從之。故物可舉。陰陽爲端。則物方
舉而情已著。如事之屬于陰者。必怒必哀。必懼必惡。事之
屬乎陽者。必喜必愛。必欲。若易觀其所居。而天地萬物之
情可見也。得其情。然後度。所以治其情。四時爲柄。則所舉
者。綜其大綱。而事已可勸。如王者賞以春夏。刑以秋冬。學
者。春詩秋禮。耕耨者。東作西成。皆是日星爲紀。則千每日之
中。各有當行之條件。而事可列。月以爲量。又舉一月所事
而考其成功。熟而有藝。若樹藝者。制其宜。植其本。盡其功
而歸于成熟也。鬼神爲徒。則循環無窮。而事可守。所謂運
而不已也。五行爲質。則迭乘代起。而事可復。所謂終則有

始也如是則禮義真足為治情之器而規矩誠設不可欺以方員繩墨誠陳不可欺以曲直凡事之行其得失皆有考矣與如國語與草之與謂深茂也人情為田禮以耕之則其情暢茂而深密矣鄭謂與主也田有主則不荒人以聖人為主則情不荒王謂人知向方如室有與並通由是四靈為畜則和氣充滿萬物皆遂飲食所需無所不足可知獨言飲食以禮始飲何謂四靈麟鳳龜龍謂之四靈故食人情大欲存焉故也龍以為畜故魚鮪不忿鳳以為畜故鳥不獮麟以為畜故獸不狘龜以為畜故人情不失家語儒作賊賊作龜。鮪王鮪季春先至故特名之忿驚散。禽驚飛。獸驚走。靈物馴擾則眾物從之見人不驚而取之亦易。龜非可食而卜能知吉凶辨邪正故以人情不失言之。

右第八章

此乃正言聖人本天道以治人情

故先王秉耒耨列祭祀瘞繪宣祝嘏辭說設制度故國有

禮官有御事有職禮有序

繪家語作繪鄭王並讀贈陳如字。禮以治情如冠昏喪祭皆

禮而莫大乎祭故舉祭言之先卜筮以定日然後陳列祭之辭說以綴主設為制度之詳如此故國有禮之可備也而行禮之時百官各以其職御于君所事有職而禮更有

序

矣故先王忠禮之不達於下也故祭帝於郊所以定天位

也祀社於國所以列地利也祖廟所以本仁也山川所以

備鬼神也五祀所以本事也故宗祝在廟三公在朝三老

在學王前巫而後史卜筮瞽侑皆在左右王中

陳皓句

心無

為也以守至正

三老鄉老周禮地官鄉老二鄉則公一人即葵曰在朝稱公在鄉稱老祠氏曰陳仕

之公孤六卿則三老也。侑以助尸者。少年禮議侑于賓。以異姓。鄭王皆曰。四輔也。禮不達于下。則無以正天下。國家而禮之達。必自上始。故其祭祀也。以天統百神。其位至尊。惟天子祭之。南郊以定其位。地產萬物。其利至溥。國之里社皆得祀之。以列其利。祖者人之始。生。生之理。所自流。自七廟至一廟。使人知一本之仁。鬼神生物。成物之功。莫著于山川。五嶽。視公四墳。視侯。償接之以報其功。中雷以居井竈。以養門戶。以啓閉。其事皆有功于人。分四時之水火。舒敘以本其事。國之有禮如此。故當祭時。宗祝在廟。與論道。而三公在朝。敷敘而三老在學。正同。而又有巫史卜筮。替伯皆以其官進。御于王之前。後左右以各職其事。王惟端拱。無爲。穆然在中。守其至正之心。以交于神明。而禮之教已達于下矣。詩曰。秦假無言。時靡有爭。禮所達也。故禮行於郊。而百神受職焉。禮行於社。而百貨可極焉。禮行於祖廟。而孝慈服焉。禮行於五祀。而正法則焉。故自郊社祖廟山川五祀。義之修而禮

之藏也

天統百神故天位定而百神受職神從天民從君理固一也地生萬物故地利列而百貨可極地生

之人成之事相待也祖廟本仁而人皆以孝慈為事五祀本事而人皆以法則為正不言山川所產即地利而興作亦事也修定天位五者之義而禮已達于下聖人所以藏身之固在此矣

右第九章

舉禮之達于祭而喪與射御冠昏朝聘皆可知故聖人以禮示之而天下國家可得

而正也

是故夫禮必本於太一分而為天地轉而為陰陽變而為

四時列而為鬼神其降曰命其官於天也

太一猶易言太極政固本于天

而般以降命矣又推而上之則言天已與地為偶而分為二不知未分之先固渾然一理也由一理分之而上下異位則為天地由是轉之而動靜交運則為陰陽由是變之而生長敘藏異用則為四時由是萬物化生繁然布列而

體之而不可遺者莫非鬼神官猶主也設官分職各有所
主也天以陰陽四時鬼神化生萬物而尊卑貴賤吉凶疎
數之禮已具焉是物物皆天命而聖人之教以降命者雖
若出于人而其降而曰命乃受職于天而非人所能爲也
夫禮必本於天動而之地列而之事變而從時協於分藝
其居人也曰養其行之以貨力辭讓飲食冠昏喪祭射御
朝聘養鄭讀義王如字今從王。其官于天如是故制禮
必本于天天陽動地陰靜動靜互根陽先陰後故天
動而之地聖人本天制禮亦然蓋理無形而難測天之動
也陽也制之爲禮則有定而可循地之靜也陰也由是列
而之事有三千三百之詳變而從時又有因革損益之道
則協之于分而協親親之殺尊賢之等皆天理也協之于
藝而協以人治人因物付物皆天則也聖人制禮如是故
其居人也凡其心思耳目手足皆有以養之于善而不知
其行之也凡夫吉凶賓嘉之禮皆有以備其所用而不闕
此聖人本天以治人之妙也貨行禮之物如玉帛牲醴力

行禮之強如一飲百拜辭解使去已讓推以與人此行禮之實有貨力而行之以辭讓雖不若大同之不必爲已而與謀作兵起迴殊飲食謂饗食燕諸禮十者皆行禮之目也。翔曰藏身所以安已居人所以安民故禮義也者人之大端也所以講信脩睦而固人肌膚之會筋骸之束也所以養生送死事鬼神之大端也所以達天道順人情之大寶也故唯聖人爲知禮之不可已也故壤國喪家亡人必先去其禮故禮之於人也猶酒之有藥也君子以厚小人以薄

家語無上節至大端也止存協於至曰養十字彼闕文。居人曰養是所以化人乎

入處也。由禮則通，不由禮則塞。禮不可已，如是則去之必喪亡矣。君子以禮成身，猶以藥成酒，薄且不可，況去之乎。
○按人之會，束本無不固，而習于怠肆，自不覺筋弛而骨縱，故曰君子莊敬日強。

右第十章

復承承天道而推其原，盡其化見治人情，所以必由此也。

故聖王脩義之柄，禮之序，以治人情。故人情者，聖王之田也。脩禮以耕之，陳義以種之，講學以耨之，本仁以聚之，播

樂以安之。

聖王之治天下，固禮義以為紀矣。而禮義非二物，義之進退無定，而禮之節文有定。先王度人

情之宜而制為一定之禮，使人有所持循，是禮乃義之柄。而義即禮之序，故必修之以治人也。治田農夫之事，治情聖王之事，責之甚專，待之亦甚切，故聖王直以人情為其田焉。修禮以耕者，回邪釋而後美可增，猶荒蕪闢而後穀可藝也。陳義以種者，禮隨宜以行，猶種之隨宜而布也。禮耕義耨而猶有氣稟之偏，物欲之蔽，則非禮之禮，非義之

義又將雜出于其間如根莠之害穀故必講學以辨之禮
耕義種學耕而無真淳想至之實以貫乎中則禮義皆爲
其文講學亦爲徒說如穀之粃而不實故又必本仁以聚
之禮耕義種學耕仁聚而無涵泳從容之意以俟其自化
則人猶苦其難而鼓舞作興之妙容有未盡者故又必播
樂以安之如此則所以治情無餘事矣○陳澧曰講學以
博而求之不一之途所以得一本萬殊一本之妙又曰本仁聚
約而會之至一之理所以造萬殊一本之妙又曰本仁聚
之功始條理也仁聚樂安成德之效終條理也講學貫乎中
自始至終無所不講至其成也則禮義之功著乎先仁樂
之效見乎後愚按此言治人之情陳說牽配俱未當也蓋
仁象勺之舞飲射之歌使之咏歌以養性情舞蹈以養血
脉便是故禮也者義之實也協諸義而協則禮雖先王未
樂安

之有可以義起也

禮爲義之柄義爲禮之序則禮未制而義猶處于虛禮成而義乃形于實也夫

先王制禮本以義起則禮雖有定而今有合于人情之宜
當以義起者獨不可變通損益于其間乎此修禮以樂又
必陳義義者藝之分仁之節也協於藝講於仁得之者強
以種也○藝謂事所當為分其理之殊也禮以義起則陳
義以種可矣又必講學以釋者何蓋義因乎事而仁根于
心仁之中原有是宜隆宜殺者而宜出焉是義不時為事
之分而實仁之節也故講學者不徒講夫藝之分而求協
諸義非講夫仁之節而得其所以分則由知人以知天進
而日上豈不强乎此陳義以種又必講學以釋得夫義并
將得夫仁者義之本也順之體也得之者尊已明矣知義
仁也
為仁之節即知仁為義之本而本仁以聚自有不容已者
既得夫仁則順德在我而咏歌舞蹈皆樂非樂之體已在
是矣體仁足以長人得之者豈不尊乎此講學以釋故治
又必本仁以聚而播樂以安亦自本仁以聚來也
國不以禮猶無耜而耕也為禮不本於義猶耕而弗種也

爲義而不講之以學猶種而弗耨也講之以學而不合之

以仁猶耨而弗穫也合之以仁而不安之以樂猶穫而弗

又反言以明之見序固不

食也安之以樂而不達於順猶食而弗肥也

可亂而功尤不可闕也達于順安則自達非有意達之如足于食者自漸而肥也

四體既正膚革克盈人之肥也父子篤兄弟睦夫婦和家之肥也大臣法

小臣廉官職相序君臣相正國之肥也天子以德爲車以

樂爲御諸侯以禮相與大夫以法相序士以信相考百姓

以睦相守天下之肥也是謂大順

四體正足重手恭也膚革盛粹面盎背也大

位高權重能守法則不倍小臣位卑祿薄知尚廉則不竊相序者上總職以率下下分職以率上不侵官不曠職也

相正者君以禮待臣臣以道事君君不驕臣不諂也以德
爲車所行無非禮義以樂爲御行之而和順從容也以禮
相與世朝殷聘無失禮無過禮也以法相序或從長或專
達或聯事或獨任也以信相考內外如一亦始終不渝也
以睦相守如出入相友守望相助疾病相扶持也劉彝曰
此聖學之極功成已成物合外內之道大學身修家齊國
治天下平之全也故謂之大順

右第十一章

復承治人情而詳其功極其效見本天

道以治人必至此乃爲盡也○前言承
天之道已得禮之原此又推本太一是極其原也前
言治人之情天下國家可得而正已盡其效此又推
之至大順是極其效也

大順者所以養生送死事鬼神之常也故事大積焉而不
施並行而不謬細行而不失淡而通茂而有間連而不相

及也動而不相害也此順之至也

此以下承大順而極自

周以事生以送死以事鬼神始之謹禮以示民有常者坐此民皆習于常有不知其然而然者矣不言講信修睦而人會求者自修之功不待言也大順如此雖事之大者積疊在前而不至于苑結事之異者一時並行而不至于外謬事之細者綜理其周而不至于差失極事機之幽深者亦燭之而能通事勢之茂密者亦折之而有閒數事直接而來亦處之裕如而先後不相及一時並至亦處之各宜而彼此不相妨如此則順之至矣曰大又曰至者其量無不包其妙故明於順然後能守危也故禮之不同也不豐又入神也故明於順然後能守危也故禮之不同也不豐也不殺也所以持情而合危也

順之至如此可謂安矣而所以安者惟在于禮蓋人

心惟危縱之則易守之則難故必明于順之道乃知禮之不可不謹而有以守其危也夫人之情當所喜所飲所愛則必豐當怒哀懼惡則必殺豐而不為之節則入于驕盈殺而不得其平亦流于吝嗇任情一往天理滅矣聖人制

禮本天道之正度人心之安豐而不過于豐殺而不過于殺其大中者所以持人之情而合其危也鄭謂君子居安思危守危長守此自危之心也

若小人則居安忘危矣亦通

故聖王所以順山者不使

居川不使渚者居中原而弗傲也用水火金木飲食必時合男女頒爵位必當年德用民必順故無水旱昆蟲之災民無凶饑妖孽之疾故天不愛其道地不愛其寶人不愛其情故天降霄露地出醴泉山出器車河出馬圖鳳皇麒麟皆在郊輶龜龍在宮沼其餘鳥獸之卵胎皆可俯而闕也則是無故先王能脩禮以達義體信以達順故有此順之寶也

一本妖作妖孽作蠻醴作澧機作藪闕作規○所以順者禮而已矣故聖王之以禮治政也莫不因

乎天道之自然人情之固有其居民也如山者不使居川
川者不使居陸而民不困蔽也其用物也必各得其時如
水用八風火必改燁金升人以時取春矛夏戟秋戈冬鉞
木以仲冬斬陽仲夏斬陰飲食春酸夏苦食齊視春羹齊
視夏之類也聖人舉事無不因天因地如此况治民之情
而可有一之不順哉如合男女必富其年頒爵位必當其
德舉凡川民無所不順則吾心順民氣順而天地之順自
應之而災禍不作諸福之物畢至矣妖見于衣服歌謠草
木孽見于鳥獸魚鼈昆蟲不愛者盡所有而出之畧無悖
惜也器郊謂若丹銀龜車孔謂若山車垂鈞蓋膏露醴
泉氣化之異器市河圖彤化之異麟鳳龜龍靈物之異災
戾以大順而消休徵以大順而致也而其所以然者豈有
他故哉夫用先王能脩禮而義之變化無方者以禮達之
且能體之無不實而合以仁安以樂者遂達于順之故也
不有此實順何以能大且能至哉○程子曰君子脩己以
敬篤恭而天下平惟上下一于恭敬則天地自位萬物自
育而四靈畢至矣此體信達順之道朱子曰信是實理順
是和氣體信足致中達順是致和實體此道于身則自然
己禮運


發而中節推之天下無所不通愚按脩禮達順案承上章達義體信直應首章以著其義以考其信蓋信非他卽所謂仁者義之本順之體也不仁則禮無其實矣

右第十二章承上大順而極其效見謹禮之至其神

○篇中言禮極其盛矣而要不外承天道以治人情之一言蓋在天爲天之道陰陽鬼神四時五行皆天道也其在人則爲天命之性率其天命之性則性善而情亦善焉所謂發而中節原不遠于未發之中也然人氣質所賦鮮有不偏而物感之交遂附于情以自汨其性而天道之本然者失矣聖人本天道以治人之情非與情爲矯而與情爲安情得而性自得矣此聖人修道之教所爲繼天而立極也極之大順則天地自位萬物自育三代之英一大道之行矣通篇文勢前後呼吸是謂大順纔與是謂大同相應家語原文可據也記者不解忽亂入是謂小康一句致前後全不相應故愚謂刪此四字卽得

還相爲宮圖

黃鍾至尊周律而得
五清大呂周律而得
四清太簇得三清夾
鍾得二清姑洗得一
清然皆能補救以全
其清至仲呂周六律
終實周五律則皆無
清焉若林鍾以下五
律祇清聲耳不可立
調故調止于七而聲
亦止于七聲有十
二而止于七者變官
變徵及五音也止
四清者羽清極無羽
清也凡變徵清皆
歸本官不用



五聲四清九聲七調二變十二律全圖

南呂 商清

第七聲 仕

夷則 宮

不用 清化

無射 角清

第八聲 仄

林鍾 宮清

第六聲 個

應鍾 徵清

第九聲 仕

蕤賓 羽

第五聲 六

黃鍾 宮
第一聲 個
不用

中呂 變徵

不用 凡

大呂 變宮

不用 乙

姑洗 徵

第四聲 二

太簇 商

第三聲 上

夾鍾 角

第二聲 尺

禮記卷九之三

任啓運章句

樂記

孔本第十九芮本第三十朱子儀禮分禮樂記第二十五樂記第五十今仍合之定為三十四

○芮城曰漢河間獻王與毛生等共採周官及諸

子言樂事者撰樂記二十四卷及劉向校書又得

樂記二十三篇不知何人撰今此所傳十一篇乃

取之二十三篇內者史記樂書全載此記世以為

褚先生補褚與劉同時必劉校定褚因取之今按

史記別錄篇目不同褚之所受實別有本耳鄭氏

註禮與別錄同今目次違異蓋南梁有皇甫侃北

齊有熊安生唐孔氏作疏以皇為據以熊補之則

更鄭目或皇意也愚按獻王所撰其內史丞王度

傳之授常山王禹成帝時獻入秘府其後遂亡此

樂記張守節云公孫尼子次擢劉向校定尚二十

三篇有奏樂第十二樂器第十三樂作第十四意

始第十五樂穆第十六說律第十七季札第十八

樂道第十九樂義第二十招本第二十一昭領第

樂記

二十二實公第二十三東漢班固等纂白虎通義
中引樂記如土曰墳及墳者坎音也二節猶樂器
篇文則援此十一篇入禮記而刪其半者固不知
何人也孔疏猶標篇目次第陳氏集說并篇目去
之而經之旨趣并味矣今仍分為十一篇復其
舊目其次第先後則取劉氏褚氏皇氏及草廬吳
氏各本而擇其善者又參取白虎通義補其缺畧
取史記說苑家語等書正其謬誤而斷為二十三
章

凡音之起由人心生也人心之動物使之然也感於物而

動故形於聲聲相應故生變變成方謂之音比音而樂之

及于戚羽旄謂之樂

比去聲○人知聲音之為樂而不知音所由起故首明之見心為樂之本

人心之靜萬物之理具焉而不感于物亦寂然面無可
見故可見者每于感物而動也感于物如世道之盛衰人

事之得失境遇之險夷順逆畢出曰聲比合曰音變無定
方不定人心既動則必形于聲有聲則必不止一解而清
濁高下自相應而生變由是以其變者請為一定之法使
清濁相得高下相宜則成方而為合比之音矣由是又攝
之以八音之樂器及武舞之干戚文舞之羽旄而後樂成
焉○聲不止言語卽歎笑悲泣皆有聲皆有宮商角徵羽
管子曰凡聽宮如牛鳴窳中商如離羣羊角如雉登木鬱
如負采覺而駭羽如鳴鳥在樹成方之音亦不止詩律如
南陔六篇有聲無辭凡可樂者音之所由生也其本在人
絃可吹可奏者皆成方也樂者音之所由生也其本在人
心之感於物也是故其哀心感者其聲噍以殺其樂心感
者其聲嘽以緩其喜心感者其聲發以散其怒心感者其
聲粗以厲其敬心感者其聲直以廉其愛心感者其聲和
以柔六者非性也感於物而后動

噍音焦殺去聲樂音格
後凡喜樂之樂並同嘽

音聞柔說范作調。○人之心失所親則哀得所願則樂其情則喜逆其意則怒見可畏則敬遇可悅則愛此六者心之感于物而動也。應枯殺促嗔揚緩迂也。發出之長歎布之廣粗大而雄厲高而急直無邪曲廉有方隅和不平戾柔則順從也。言以者謂如此而又如此。此六者心之形于聲而生變也。夫哀樂喜怒愛敬皆心所自有當其未發則寂然不動猶性之本然至感物而動則已爲情之移而非性之定矣。此一節詳言心之所感起下當慎感之意是故先王慎所以感之者。故禮以道其志樂以和其聲政以一其行刑以防其姦。禮樂刑政其極一也。所以同民心而出治道也。道行並去聲下道如字。○人心之動係于所感則感之可不慎乎。故先王慎之也。夫人有心則必有志而志之所向易悞。日道之以禮使有所循有志必發于聲而聲之所發易乖。日和之以樂使無所戾。既發必見于行而剛柔異稟厚薄異情未必能一致。則又政以一之。雖行未遽入于姦而或一念之悞所與之非未必

不入于此則又則以防之此四者其事雖殊其歸則一凡以慎其感而同民心為治之道固如此也○教民之樂不必定是咸池韶舞但可咏歌舞蹈者皆是若夫功成作樂則非民氣皆樂民德皆淳者不能故曰禮樂百年後興也

○右第一章

凡音者生人心者也情動于中故形於聲聲成文謂之音是故治世之音安以樂其政和亂世之音怨以怒其政乖

亡國之音哀以思其民困聲音之道與政通矣

呂覽和作平民困作

政險狹廣曰乖一作煩○音固生于人心而音能感人是又生人心也觀之于古凡音之安樂由于政之和音之怨怒由于政之乖音之哀思由于政之險而民困也正惟音出于民心而音乃足以生人心矣

宮為君痛

為臣角為民徵為事羽為物五者不亂則無滯戀之音矣

二分一姑洗六寸又十分四仲呂五寸九分又三分二蕤賓五寸六分又三分二林鍾五寸又十分四夷則五寸又三分二黃鍾四寸二分南呂四寸又十分八無射四寸四分又三分二應鍾四寸二分又三分二其法如黃鍾八寸一為宮則林鍾五十四為徵太簇七十二為商南呂四十八為羽姑洗六十四為角此正聲也若由角三分去一則應鍾四十二餘九分分之二六為變宮在羽後宮前由變宮三分益一則蕤賓五十六分六餘九分分之二八為變徵在角後徵前此變聲也其旋相為宮有臣過君民過臣事過民羽過物則不用全律而以半聲應之如林鍾五十四為宮則太簇去半三十四為徵南呂四十八為商姑洗去半三十二為羽應鍾四十二六分零為角此均法也若用之祭祀則去商聲不用而徵即下生羽又以夾鍾為天宮林鍾為地宮黃鍾為人宮祀天則去地宮祀地則避天宮宗廟則避地宮黃鍾為于是有二人三八而相生者此用法也先儒之說大畧如此惟王喬桂之說不然謂自黃鍾至大呂屬陽自蕤賓至應鍾屬陰此大陰陽也析而言之黃鍾陽大呂陰此小陰陽也夫樂之難不難于審聲難于定律旋宮之法不難于

宮難于黃鍾之宮黃鍾正則諸律正矣呂氏春秋黃鍾之宮命伶倫取嶰谷之竹斷兩節間三寸九分爲黃鍾之宮自含少剝恕外紀無忌隋志皆同自史記以黃鍾爲九寸蔡氏新書因之而黃鍾之度茫然旋宮之義亦莫識矣夫黃鍾當子之中一陽初動于卦爲復則三寸九分陽之始也升陽漸益故大呂四寸五分陽尚微也故止升六分自是而後已向于春故大簇五寸四分夾鍾六寸三分姑洗七寸二分仲呂八寸一分而蕤賓則得九寸焉當午之中于卦爲姤陽之極也一陰于是始生而陽漸損故林鍾八寸四分陽尚隆也故止降六分自是而後已向于秋故夷則七寸五分南呂六寸六分無射五寸七分應鍾四寸八分至黃鍾仍得三寸九分焉此太陽行氣之數也陽之性動動者數三始于黃鍾三寸九分陽之少也極于蕤賓九寸陽之老也自九寸約之復歸于三寸九分貫十律而歸于宗也史記不解九寸爲黃鍾之變而直以爲黃鍾之宮遂生九分爲寸黃鍾八十一分之分說大呂以下以次漸減參差不齊而宮商淆亂不知陽氣冬至後漸升而律反短則氣有餘而力不足夏至後漸降而律反增則氣不足而管

有餘况以應鍾接黃鍾旋開一月而相去四寸有奇何以
續氣數而和聲音哉章昭云九寸黃鍾之變悟變也言則
知黃鍾度極短聲極清而諸律可由是正矣夫天清而上
浮地濁而下凝人受于天地感物觸形而聲氣出焉清而
少者貴濁而多者賤以五音言之宮音清黃鍾為正宮其
數極少故為君臣數多于君故商為臣其音次清民數多
于臣故角為民其音清濁半事多于民故徵為事其音次
濁物多于事故羽為物其音極濁以十二律言之黃鍾極
清大呂次清大簇以下以漸而濁至蕤賓而極極則以漸
而清復轉為黃鍾焉白九寸之說行清濁既清度數遂紊
而君臣民物皆不安其位矣至謂律呂之數往而不反黃
鍾不為諸律役則旋宮之說何自起哉愚按地氣必漸而
升漸而降若如舊說則黃鍾十一月極長大呂漸短至應
鍾十一月極短有降無升安于何以相接恐不如王說為確
也毛奇齡據呂覽黃鍾大呂太簇夾鍾姑洗中呂蕤賓居
上列為七聲林鍾夷則南呂無射應鍾居下列為四清聲
變宮變徵不用惟黃鍾為宮則歷十二律而五正五清皆
備大呂得四清大簇得三清夾鍾得二清姑洗得一清應

呂則無清矣。蕤賓并無羽。故窮以二說推之。亦五說爲通也。李琬言二說似異而皆可通。以黃鍾原有高低音也。又曰如得黃鍾低宮音由本音而上。以六律層高以至高極。而高宮音得焉。得林鍾高宮音由本音而下。以六律層低以至低極。而低宮音得焉。宮亂則荒。其君驕。商亂則陂。其官壞。角亂

則憂其民怨。徵亂則哀其事勤。羽亂則危其財匱。五者皆

亂。迭相陵。謂之慢。如此則國之滅亡無日矣。說苑上有無法之音句宜

陳作臣。此一節以亂世及亡國言。見音之通于政。與上互相發也。勦力竭之意。宮宜重以舒其亂也。荒商宜敏以坦其亂也。陂角宜所以約其亂也。憂徵宜潔以疾其亂也。哀羽宜越以散其亂也。危荒陂五者以音言。驕壞五者以政言。音之所亂。政亦從之。故一音亂則一政乖。五音皆亂則政無不乖。而國之亡不遠矣。隋樂淫厲而哀。萬寶常知天下不久將。鄭衛之音亂世之音也。比于慢矣。桑間濮上盡意。蓋如此。

之音亡國之音也其政散其民流誣上行私而不可止也
比近也慢卽迭相陵之意路史桀作東歌而操北里大台
桑林是桑間桀樂也或以衛桑中一詩當之未是史記衛
靈公適晉舍濮上夜聞琴聲召師涓寫之晉師曠曰此師
延爲紉作靡靡之樂是濮上紉樂也政散故民流至于誣
罔其上以自行其私而不可止則流之極不亡不止也音
之生人心如此而惑之可不慎乎。張子曰鄭衛地濱大
河其土地薄故其人輕浮其地卑下故其人柔弱其地肥
饒不費耕耨故其人怠惰其人性情如此故其音亦淫靡
愚謂鄭衛淫靡固由地氣要亦君之失道使然若皆如鄭
武國衣好賢術武抑戒奢聖又豈有不可治之地不可化
之民耶。右第二章
承上慎所惑而言

凡音者生於人心者也樂者通倫理者也是故知聲而不
知音者禽獸是也知音而不知樂者衆庶是也唯君子爲

能知樂是故審聲以知音審音以知樂審樂以知政而治
道備矣是故不知聲者不可與言音不知音者不可與言
樂知樂則幾於禮矣禮樂皆得謂之有德德者得也君臣民物
之事其兩相合謂之倫其各有條謂之理政即倫理之規
條禮即倫理之儀象音動于人之所感未必能一出于正
而樂以通倫理則無不正可知故凡物之有耳者皆能知
聲有識者皆能知音而唯君子為能知樂蓋所謂知樂非
止聽其鏗鏘必于聲音之中實能審之以知君臣民物之
之政之得失務使皆合于倫理而治道已備于是矣夫禮
之于樂同條共貫辨乎倫理之當然而得其宜之謂禮順
乎倫理之自然而得其和之謂樂未有不得乎禮而能得
之君子其孰能之是故樂之隆非極音也食饗之禮非致
味也清廟之瑟朱絃而疏越一倡而三歎有遺音者矣大

饗之禮尚平酒而俎腥魚太羹不和有遺味者矣是故先王之制禮樂也非以極耳目口腹之欲也將以教民平好惡而反人道之正也。目覽遺音遺味作進乎音進乎味反人道之正作行理義和好惡並去聲。樂以達倫理之和故樂之隆不在極滋味之和如清廟升歌樂之隆也而其瑟以熟絲爲絃而朱之使其聲濁復疏通其底引使其聲遲其歌一人倡始三人從而和之初非極聲容之美而其中有不盡之餘音使人聆之而自得焉大饗賓客禮之重也而尊以平酒爲上俎以腥魚爲尚太羹滂肴不和初非極滋味之和而其中有不盡之餘味使人咀之而自得焉所以然者人道之正本無紛華靡麗之營自人情惡質好華思以極耳目口腹之欲而人道亂矣先王制樂凡以平人情而反之正也鄭以此大饗爲祫祭陳曰是禘祭皆未確。

右第三章

人生而靜天之性也感於物而動性之欲也物至知知然
後好惡形焉好惡無節於內知誘於外不能反躬天理滅
矣夫物之感人無窮而人之好惡無節則是物至而人化
物也人化物也者滅天理而窮人欲者也于是有悖逆詐
偽之心有淫佚作亂之事是故强者脅弱衆者暴寡知者
詐愚勇者怯疾病不養老幼孤獨不得其所此大亂之
道也人生而靜者喜怒哀樂之未發天命之性天道之本
然也感物而動者感而遂通率性之道人事之自然
也人心之靈莫不有知故外物之至皆有以知之而好惡
形焉好所當好惡所當惡循理而動道心之正也適情則
好逆情則惡欲而行人心之私也人能以人心爲不可
縱而常顧天之明命則好惡有節而已發之和常不虛

于未發之中不然平口無存養之功則好惡已無節于中而物感之知遂足以誘之而其誘之之時又不反之于身以察其物理之正則人欲肆而天理滅矣夫物感無窮唯持此虛靈不昧之心以爲一身之主以審其是非定其從違今既無節于內則物交物而虛靈不昧之心已化爲無知之物矣是天理常存而人自滅之而窮人欲也其又何以爲萬物之靈也哉由是而生心害事且胥天下而亂之矣○朱子曰人生四句言性情之妙人之所生而有者也蓋人受天地之中以生其未感也純粹至善萬理具焉所謂性也然人有是性則有是形有是形則有是心而不能無感于物感于物而動而性之欲者出焉則善惡于是分矣性之欲卽所謂情也又曰物至知知二句此指情之動爲言物至而知知之者心之感也好之惡之者情也是故平焉者其動也所以好惡而有自然之節者性也是故

先王之制禮樂人爲之節衰麻哭泣所以節喪紀也鍾簠

干戚所以和安樂也昏姻冠笄所以別男女也射鄉食饗

所以正交接也。禮節民心，樂和民聲。政以行之，刑以防之。

禮樂刑政四達而不悖，則王道備矣。

人情無節必至于亂，故先王制為禮樂以

節之。舉凡哀樂之情，男女交接之事，皆與之以節而好惡節矣。禮節樂和而不率，又為政刑以佐之。至此四者皆達而民莫有悖達，則民心同而治道備。豈不足為制樂之本哉？

○右第四章

右樂本第一

各本目次並同。○本謂人心也。中分四章。一章言樂之乖和本，于人心所感之

邪正。二章言人心之邪正，本于政治所行之得失。三章言先王制禮樂以平人心之好惡。四章言人心之好惡，惟禮樂足以平之。蓋上必以禮樂治民，然後民心相和，是樂固正心之本，而人心無不和，乃可以成一朝之樂，是心和又作樂之本也。朱子分前三章入樂記，後一章入禮樂記。

樂者為同，禮者為異。同則相親，異則相敬。樂勝則流，禮勝則

則離合情飾貌者禮樂之事也。禮義立則貴賤等矣。樂文
同則上下和矣。好惡著則賢不肖別矣。刑禁暴爵舉賢則
政均矣。仁以愛之義以正之。如此則民治行矣。飾鄭作飭
樂主和
所以聯人之情而爲同。禮主嚴所以辨人之分而爲異。故
人用樂則相親用禮則相敬。當親而親當敬而敬則有以
得禮樂之中而用之無弊矣。其或過于同而流蕩者盡忘
其敬過于異而乖離者反失其親。似禮樂不能無弊此特
用禮樂者偏勝之過耳。夫禮嚴而泰樂和而節。內合其情
禮之異原有同外飾其貌樂之同原有異。禮樂之道固如
此也。故先王之行禮也內得其義之和則義立者足以合
情而貴賤之等敬而不至于離矣。其用樂也外得其文之
善則文同者足以飾貌而上下相和親而不至于流矣。如
是而民猶不喻則又以法明示之于相親相敬而爲實者
則好之于或離或流而不肖者則惡之于不肖之至而
與禮樂者不惟惡之而且刑之于賢之至而勸行無弊者

不惟好之而見爵之則人衆著于賢不肖之分而止之
亦均乎而無餘矣夫天下之道不外仁義兩端仁主禮義
主敬仁義皆性之德而禮樂自此生焉樂之同即仁禮之
異即義聖人仁育義正真有以得乎禮樂之本故其爲用
自相合而不相同如此則民之治自必無荒與亂之
弊矣陳謂又以仁義爲禮樂之輔恐未安○右第一章
樂由中出禮自外作樂由中出故靜禮自外作故文大樂
必易大禮必簡樂至則無怨禮至則不爭揖讓而治天下
者禮樂之謂也暴民不作諸侯賓服兵革不試五刑不用
百姓無患天子不怒如此則樂達矣合父子之親明長幼
之序以敬四海之內天子如此則禮行矣樂之文亦外見而欣喜歡愛之
意固出于中禮之義亦根心而等威隆殺之儀必作乎外
和出于中則情意安舒故靜序作于外則威儀交錯故文

惟靜也故樂非無五音六律之煩而總出于人心之自然
則其靜者自易也惟文也故禮必有三百三千之隨而總
出于夫秩之自定則其文者亦簡也樂之本體如此用
禮樂者果能得其所以為易則坦白之禮人人知其大公而
皆無怨果能得其所以為簡則卑順之至人人知其退讓而
自不爭古聖人所以揖讓而治天下者此道得也夫樂由
中出而樂之至必盡乎人有一物不在太和之中非樂之
中也禮自外作而禮之至純攝乎已有一物不在所敬之
中非禮之行也必由己以達之至于暴民不作而刑措諸
侯賓服而兵息百姓其安于刑措兵息之天而天子一無
所怨如此則自上至下無非和氣所周流而樂達矣必
躬行以率之至孝不敢惡于人至弟不敢慢于人舉四海
之事以百姓皆有以合其親明其序如此則自近而遠無
一非敬心所謂萬物得其理然
之道達周子所謂萬物得其理然
後和故禮先而樂後○右第二章

大樂與天地同和大禮與天地同節和故百物不失節故

祀天祭地明則有禮樂幽則有鬼神如此則四海之內合

敬同愛矣禮者殊事合敬者也樂者異文合愛者也禮樂

之情同故明王以相沿也故事與時並名與功偕分而言

之易者天禮之簡者地合而言之則天地之氣常交和之

至也而大樂同之天地之位常定節之至也而大禮同之

天地惟和故百物化生而聖人以和贊和亦有以育萬物

而不失其性天地惟節故各一其道而聖人以序贊序亦

有以奉天地而各致其誠蓋天地之功用其合而和者為

神散而別者為鬼聖人之樂即神禮即鬼幽明雖殊其理

一也禮樂同天地如此而四海之內感同節之理莫不合

敬同和之理莫不合愛矣夫禮有隆有殺事殊而敬則合

樂有聲有容文異而愛則同禮樂之情如此故成蠲饗或

征誅事則有與時並或以繼治而名節或以戡亂而名武

名則有與功偕者耳愛敬之實豈有異哉○朱子曰禮生

人制作處便是禮樂在造化功用處便是鬼神又曰禮生

感樂主盛便是鬼神屈伸之義故鍾鼓管磬羽籥干戚樂之器也屈伸俯

仰綴兆舒疾樂之文也簠簋俎豆制度文章禮之器也升

降上下周還裼襲禮之文也故知禮樂之情者能作識禮

樂之文者能述作者之謂聖述者之謂明明聖者述作之

謂也綴音贅又音拙還旋通○綴王曰表孔曰連也表舞

器顯于人曰文二者對情言則皆文也明王相沿者此禮

樂之情耳若器與文則或以時異或以功殊要以前人未

止故心通乎制作之原者則能因情以立文而前人未

者不難自我創之心知古人器文之美者亦能因文以會

意而前人已有者可自我傳之聖者自本而達末明者可

尋流以溯源也○陳澧曰黃帝堯舜之造律呂聖衣裳湯

武之改制皆聖者之作也周公兼三王盡倫物兼聖明之

作述也季札之觀樂亦明者之述若孔子之聖而述而不

作則有德無位也。愚按古者制度未備不可不作而二
三王則又有作之德者也。孔子有作之德矣。卽其得位
夏時殷輅大抵參取前代者居多。何必作乃爲聖哉。後世
并無述者之明而自擬于作者之聖其爲作也妄焉而已。
○右第三章

樂者天地之和也。禮者天地之序也。和故百物皆化。序故
羣物皆別。樂由天作。禮以地制。過制則亂。過作則暴。明于
天地然後能興禮樂也。樂不僅與天地同和也。究其本則
節也。究其本則禮卽天地之序。蓋二氣絪縕物生不息。卽
天地自然之樂。上下定位物各有所。卽天地自然之禮。而
聖人之禮樂遂自然起耳。不然而曰禮之制貴于序。則爲
于嚴者必使人盡決其防。而反至于亂。曰樂之作貴于和。
則過于和者卽爲狎侮。所自生而必至于暴。故必論倫無
明乎天地之理。然後能興禮樂而得天地之中也。論倫無

忠樂之情也欣喜歡愛樂之官也中正無邪醜之貨也莊

敬恭順禮之制也若夫禮樂之施于金石起于聲音用于

宗廟社稷事乎山川鬼神則此所與民同也官史記及賀瑒本並作各

凌補登云一作文非是○論理之可辨析者倫理之有次

序者無患無差誤也官猶主也樂作而各得其分各顯其

序無一毫之差誤者乃樂之情而欣喜動于心歡愛見于

事者尤為樂之主禮制而行之中立之正無一毫之偏

者乃禮之質而莊敬存于心恭順形于貌者尤為禮之

蓋樂之情禮之質皆出于天地之自然而樂之官禮之制

亦出于人心之自動人心之靈與天地為體此聖人之

禮作也所為與天地參也若夫行禮之時用樂之地如

之于器達之于聲用之于祭祀則人皆可與能矣豈必

明于天地之聖人哉方蔡曰金石聲音皆樂而統攝

行禮然後用樂而用樂亦

以成禮也○右第四章

禮記卷之六

右樂論第二

各本目次並同。論即論倫之論。舉論而倫在其中矣。中分四章。一章言禮樂

之用而推其散詳補救之方也。二章言禮樂之體而極其效見功化之隆也。三章言禮樂之和序。同于天地。非聖不能作。四章言禮樂之和序。根于天地。亦非聖不能行。又探本言之。而極其至也。所謂論者。蓋如此。○朱子亦分四章。並入禮樂記。

王者功成作樂治定制禮其功大者其樂備其治辨者其

禮具干戚之舞非備樂也孰亨而祀非達禮也五帝殊時

不相沿樂三王異世不相襲禮樂極則憂禮粗則偏矣及

夫敦樂而無憂禮備而不偏者其惟大聖乎

辨鄭謬徐廣曰一作別

今如字孰亨熟烹通。功以乘言治以政言治定功乃成故禮先而樂後也辨猶明也樂之備由于功之大則誠亂

政治各有其功非專以干戚之舞爲備樂可知禮之具因
于治之辨則準今酌古各有其治非專以熱烹而祀爲達
禮可知然而帝王創制不相沿襲由羽舞而干戚由腥血
而熟烹若是者何哉蓋事與時並道與世宜前王作樂以
樂其功之所成而治之者徒極其樂竟忘其功反致樂極
而生悲前王制禮以昭其治之所定而襲之者有見于相
無見于情馴致極重而難反故必變之以補其偏救其弊
使因時世之變以取中易所謂窮則變變則通通則久其
道固如斯也及夫既變則功之所在勸歌于勿墜樂愈數
也而無樂極之憂治之所偏損過以就中禮斯備矣而無
偏重之失此惟參天地之聖人始足與于此也豈易言哉
舊說樂爲人所好害在淫侈禮爲人所勸害在倦略于文
義不甚順陳謂武樂不如韶樂盡善盡美熱烹不如腥血
得禮之意似貶三王不如上古恐非本義也。右第一章

天高地下萬物散殊而禮制行矣流而不息合同而化而
樂興焉春作夏長仁也秋斂冬藏義也仁近乎樂義近乎

禮樂者敦和率神而從天禮者別宜居鬼而從地故聖人

作樂以應天制禮以配地禮樂明備天地官矣

長上聲別史記作辨

○天地之位高下異形而物生其間各有定位此即天地自然之禮也天地之氣流行不患而絪縕化醇此即天地自然之樂也不寧惟是春生夏長天地之仁而仁之和亦近于樂秋斂冬藏天地之義而義之肅亦近于禮蓋仁者合而和氣之伸而為神義者別其宜氣之散而為鬼樂者敦厚其和其循物者率神而從天之陽禮者別異其宜其各正者居鬼而從地之陰禮樂同功于天地如此故聖人作樂以應天之陽樂備而天之所以為和者樂悉載之而出制禮以配地之陰禮明而地之所以為別者禮悉奉之以行是禮樂乃天地之德所分寄之官也鄭謂天地官謂天地各得其職王曰天地各得其位並通。張守節曰仁愛樂和故仁近樂義斯禮節故義近禮劉彝曰樂極達于陽之所生禮安定乎陰之所成愚謂以二氣言則天地之情常合合者陽之動也樂也天地之位常定定者陰之靜也

也禮也以一氣言則夫之資始無形神之
仲也樂也地之資生有質鬼之歸也禮也
天尊地卑君臣

定矣卑高以陳貴賤位矣動靜有常小大殊矣方以類聚

物以羣分則性命不同矣在天成象在地成形如此則禮

者天地之別也天地有尊卑而君臣之象已著山澤有高卑而貴賤之分已定陽動常僂陰靜常左

而小大之事已分親上親下各有方而分者又以類而聚

飛潛動植各一物而合者又以羣而分而物所受于天之

性天所付于物之命已各正而不同夫是以在天則日月

星辰各成其象在地則水火木石各成其形天地之別如

此是禮未制而天地之別已儼然一禮矣聖人因之以制

禮正君臣之等明貴賤之位辨小大之宜類族辨物使之

各得其所亦如在天之成象在地之成形者然則禮未制

而聖人之禮在天地禮既制而天地之別即在聖人也此

一節申天高地下萬物地氣上騰天氣下降陰陽相建天

散殊而禮制行焉之處

地相蕩鼓之以雷霆奮之以風雨動之以四時煖之以日

月而百化興焉如此則樂者天地之和也齊史記作勝鄭讀勝蕩一作燿

煖徐作暄。勝升也。天陽地陰勝陽降陰兩相交曰摩迭

相加曰盛陽內而陰外則陽奮以出而為雷為霆陽遇

陰之凝則旋繞而求散之而為風陽隨陰以升而既和則

反降而為雨春夏陽秋冬陰而四時方至皆陽其往皆陰

日體陰用陽月體陽用陰而日月之山皆陽其入皆陰月

就盈為陽就虧為陰百化興百物之化皆感陰陽而動也

天地之和如此是樂未作而天地之和已諳然一樂矣聖

人因之以作樂廣大象地清明象天奮發象雷霆周旋象

風雨終始象四時文明象日月其百物不失亦如百化之

興者然則樂未作而聖人之樂在天地樂既作而天地之

和具在聖人也此一節中流而化不時則不生男女無別

不息合同而化而樂興焉之意

則亂升天地之情也

別一作辨升史記作登。百物之化固天地之和也而非順四時之序則

純別而物亦不生男女之合固聖人之樂之和也而非嚴
內外之禮則無別而亂且日升蓋乾道成男坤道成女男
女西一小天地而男女媾精萬物化生者亦與天地絪縕
萬物化醇者同功天地之和惟別乃生則男女之和亦惟
別乃成此別而和者正天地之情而聖人之制及夫禮樂
禮必始於謹夫婦而易之咸恆遂與乾坤配也
之極乎天而蟠乎地行乎陰陽而通乎鬼神窮高極遠而
測深厚樂著大始而禮居成物者不息者天也著不動者
地也一動一靜者天地之間也故聖人曰禮樂云者鄭讀
禮字今並如字陰陽者天地之氣鬼神者陰陽之靈高
遠者天體之處深厚者地形之實鄭曰高遠天之三辰廣
遠地之山川著鄭曰處也王曰明也愚謂即乾知大始之
知居猶安也禮別而後樂和順其流行充塞之至則乾知
大始而樂即著之坤作成物而禮已安之乾之大始流行
不息而樂同其功是樂即天地坤之成物有當不動而禮

同其功是禮即地也天地之間一動一體無有止息而禮嚴而泰樂和而節其迭為體用者舉天地生成之妙盡著其間故聖人之參天地者亦惟曰禮樂云而已禮樂之外又豈有他道哉。按此二節即中庸君子之道造端乎夫婦及其至也察乎天地之意司馬貞曰生萬物而不息者天之功故易乾曰行健養萬物而不動者地之德故易坤曰安貞。

右第二章

右樂體第三

劉向作樂理皇侃作樂禮熊安作樂體張守節作禮樂疑能得之諸本皆第三

惟劉向日錄第五孔疏于此言鄭目第三是樂應第四是樂言第五是樂禮是鄭因從劉次而後人變之可知矣。禮謂禮陰樂陽其體殊也皇氏分三章首章禮樂備于帝王二章禮樂法乎天地三章天地應乎禮樂今按其文其唯大聖乎即與故聖人呼吸而天地聖人尤難分畫姑分為二章

樂也者情之不可變者也禮也者理之不可易者也樂統

同禮辨異禮樂之說管乎人情矣

管史作貫。樂隨感而變而變之中有不可變

者焉當哀而哀當樂而樂此情之發于性而不可變者也禮隨時而易而易之中有不可易者焉天則之正人心之安此理之根于天而不可易者也然人情之深淺有殊則同之中未必無異夫理之幾微難辨則當異者或混而同惟有樂以統其同有禮以辨其異則有以管攝十人情而得其心之所同當其分之所異矣。陸龍其曰前言不相沿襲者禮樂之積弊此言不窮本知變樂之情也著誠去可變易者禮樂之初定者也

偽禮之經也禮樂負天地之情達神明之德降興上下之

神而疑是精粗之體領父子君臣之節

後史記作順。朱子曰領依像也

樂何以管人情蓋發而中節情之本然而欲動情遷則之于變而情失矣動而不妄理之自然而色取行違則之于偽而理失矣惟樂道人情之和則窮夫本所自生即有以知情所由變而任情者乃變而失其節禮彰天地之宜則

著夫誠所自動卽有以去僞所由開而矯情者乃僞而失其真此禮樂之所爲管人情也而其所以能管人情者又
有故焉蓋人之情從天地之情出乾健坤順其默運于無
爲者神明之德乃天地之情之本下施上濟其相交而生
物者上下之神乃天地之情之用情之不可變卽理之不
可易人道之君父亦天子臣亦地仁忠慈孝亦神明之德
事使作述亦上下之神特天地無私而人有私則情之所
發未必合夫天理之公而人之情與天地之情異矣聖人
作爲禮樂舉天地之情一一依像之而出則以天地之情
治人之情而此心此理之不能自達者禮樂爲達之上交
下逮之不能自神者禮樂爲降之興之雖共由者不通形
器之粗而神德之至精實凝合于是而無間而父子君臣
之各盡其道交致其情者皆是故大人舉禮樂則天地將
有以頷之而不變不易也

爲昭焉天地訢合陰陽相得煦妪覆育萬物然後草木茂

區萌達羽翼奮角觫生蟄蟲昭蘇羽者妪伏毛者孕鰥胎

生者不殯而卵生者不殯則樂之道歸焉耳

詩火作欣鄭讀嘉區句通

脩音格伏鄭讀覆彌一作鶯讀音黃雅音油○大山聖人而居天子之位者禮樂傾天地之情則一舉禮樂而天地之情衆著于物已于斯時也豈惟管人情已哉萬物之育莫不由斯也陳澧曰新合和氣之交感即陰陽相得之妙也天以氣煦之地以形媚之馬晞孟曰氣和而物不失其性矣區曲生者萌直生者有翅者皆曰羽能飛者曰翼有鰓而無鰓曰角牛羊是也無鰓曰鰓麋鹿是也昭明爲生也蟄藏之謂啓戶而出也孕胎胎妊而生子謂胎之脫殖卵之裂先言禮樂而後專言樂太和之風于樂爲多而禮先樂後亦未有不得其理而能和者也○右第一章樂者非謂黃鍾大呂弦歌干揚也樂之末節也故重者無之鋪筵席陳尊俎列籩豆以升降爲禮者禮之末節也故有司掌之樂師辨乎聲詩故北面而弦宗祝辨乎宗廟之

禮故後尸商祝辨乎喪禮故後主人是故德成而上藝成

而下行成而先事成而後是故先王有上有下有先有後

然後可以有制于天下也知殷禮者喪禮質故商祝有

樂師非和之主宗祝非敬之主商祝非哀之主北面與後

司之所習事若樂師二祝之所辨藝成但役于人故下事

成專領一職故後也先王知上下先後之辨務使和序之

理充于心達于行然後器數儀文之末皆可

以自我制之而為天下法則也○右第二章

右樂情第四史記第五目錄第六孔本第七○此承

二章一章言禮樂之情通乎天地二章言禮樂之情

超乎器數下章亦以足上章見器數盡人可能而精

微非大人不能識也張守節分是故下為第二章一

明禮樂情達鬼神二語達鬼神之事三闕識其本者

為可

序

樂也者施也禮也者報也樂樂其所自生禮反其所自始

樂章德禮報情反始也

施自我出報因人生報有往來施惟直出益心蘊于中樂形于外是

樂主于施人以禮來我以禮往是禮主于報然樂之施雖

達于外而我之生于心者自不容已樂乃樂施之所自

生禮之報雖因乎人而致之於人亦吾心所自動是禮亦

反報之所自始也夫所自生者吾之德和順積中而莫學

發外則樂之施所以章德禮始于吾心之敬則報雖因人

情以為稱而實亦反吾心之始也○朱子曰樂是和氣從

中間直出初無待於外禮只是始初有這意思外面

節文都是人做雖是人做也因他原有這意思的所謂

大輅者天子之車也龍旂九旒天子之旌也青黑緌者天

子之寶龜也從之以牛羊之羣則所以贈諸侯也

疏一作旒舊作

流緣去聲。此因上禮報情而言。王賜諸侯同姓以金幣。異姓以象幣。四衛華幣。藩國木幣。而自諸侯受之。則通謂之大幣也。交龍爲旂。旂之數。上公九。侯伯七。子男五。此舉重而言。緣中願也。何休曰。千歲之龜。青願。禮國有守龜。必賜乃得有之。諸侯朝貢。獻其方物。諸侯之情歸而天子賜之。乃所以報其情也。二節。皇本誤。屬法象篇之末目錄。史記屬本篇末。今昔者舜作五絃之琴。以歌南風。夔始制樂。以賞諸侯。故天子之爲樂也。以賞諸侯之有德也。德盛而教尊。五穀時熟。然後賞之以樂。故其治民勞者。其舞行綴遠。其治民逸者。其舞行綴短。故觀其舞。知其德。聞其謠。知其行也。舞行之行。音杭。下行去聲。此承上樂章德而能謂卽舞。凱風皆非也。不自舜作而五絃則自禹始。制樂非爲賞諸侯。而賞諸侯則自舜時。夔爲樂官。始教民。

知敬學此放道之成穀熟民和年豐此養道之成皆非德
盛不能也民勞力于謀生勤于從善猶見其勞此其治猶
淺民逸安于缺畝樂于仁義不見爲勞此其治更深也
行列相續處鄉謂民勞則德猶薄故鄧相去遠舞人少也
民逸則其德盛故鄧相去近舞人多也應鑰謂勤于治民
則德盛而樂降故舞列遠而長意于治民則德薄而樂降
故舞列近而短二說相反愚謂治息民散必不賞以樂且
舞于庭中其位有定安得短長應說非也舜之絃歌固足
章已之德而諸侯于巡守述職各貢其方之樂舜使夔比
其律審其音爲制樂名以貢之是亦所以章諸侯之德也
但同爲有德而德有淺深之殊則綴亦有疎密之異如
以表行而行有偏全之異則諡亦有大小之差既表其賢
又稱其量也○南風之詩見尸子及家語其詞曰南風之
薰兮可以解吾民之愠兮南風之時兮可以阜吾民之財
兮伏生大傳曰舜元祀巡守四岳八伯樂正定樂名元祀
岱泰山貢兩伯之樂東岳陽伯之樂舞舞佻佻其歌聲比
諸名曰哲陽儀伯之樂舞舞其歌比大謠名曰南陽中
祀大交霍山貢兩伯之樂夏伯之樂舞舞其歌比中謠

名曰初慮。義伯之樂，舞將陽，其歌聲比大謠，名曰朱子。秋祀柳穀華山，貢兩伯之樂，秋伯之樂，舞蔡假，其歌聲比小謠，名曰苓落。和伯之樂，舞千鶴，其歌聲比小謠，名曰歸來。冬祀幽都，宏山貢兩伯之樂，冬伯之樂，舞齊落，其歌聲比中謠，名曰謏謏。虞伯之樂，舞寒日，其歌聲比余謠，名曰受終。井論八音四會，據此則古諸侯皆貢樂于天子。天子命典樂考其聲之所中而錫以名，是即所以賞之矣。而王制有賜侯伯樂之禮，豈後侯伯德薄不能制樂，必天子賜然後祭得用樂歟？

○右第一章

黃帝樂曰咸池，顓頊樂曰六莖，帝嚳樂曰五英，堯樂曰大章，舜樂曰簫韶，禹樂曰大夏，湯樂曰大濩，周樂曰大武。象

周公之樂曰酌，合曰大武。本篇逸文見白虎通義。咸，皆池，施也。言大施德而几天所生地所養咸被德施也。鄭謂堯又修而用之，名曰大威。莖，別作韻。莖，柄。英，華也。顓頊和律麻以調陰陽，若植物之始萌。

帝嚳和五聲以養萬物若既植而有英華也樂緯作帝嚳
曰六英額頤曰五莖宋均註爲六令之英華立五行之根
莖未詳孰是大章別名大卷謂之章者能大明天地人之
道也蕭參差也舜時鳳凰來儀故造蕭以象鳳翼重之故
特繫韶言之大傳舜五祀定鍾名論人聲及鳥獸招樂興
大鹿之野六載巡守羣后德讓貞正聲而九奏成所謂九
韶之舞也夏大也舜十六載歌大化大訓六府九原而夏
道興禹有天下遂常用之所謂九德之歌也漢護也言湯
能護民之急皇侃云一名桑林湯二十四祀禱雨桑林歲
則大熟百姓歡洽遂作桑林之舞謂之護者幸雲雨之布
護也大武詳後賓牟賈篇或曰當作大舞象象杜預言象
前南籥文王樂呂覽言成王立殷民反王命周公伐之商
人服象爲虐于東夷周公以師逐之至于江南乃爲三象
以嘉周公之德未知孰是酌周公輔成王能斟酌文武之
道而行之也周之武功莫大于武王伐紂然文王之伐密
伐崇開其前周公之前奄滅殷成其後而大武之樂又公
所定故又繫以大章章之也咸池備矣韶繼也夏大也殷
合曰大武焉

周之樂盡矣

此極論諸樂而推咸池以明樂施之意詩建非田衣裳之文于戈之武皆備于黃帝故黃

帝之樂名曰咸池言其施無所不至也至于堯而平地成天正民之德厚民之生利民之用故作大章以章之而又修咸池之樂以用之而黃帝之施而未備者乃無不備是咸池之備亦備于堯也自是而紹繼之其所繼者一堯施也夏又大之其所大者一堯施也至于殷周既亂以兵其迹似不相襲然時異勢殊有不如是而不可者蓋奉天救民其心則一而繼治繼亂所遇不同故其所施必至此乃為盡也○右第二章

天地之道寒暑不時則疾風雨不節則饑教者民之聚

也教不時則傷世事者民之風雨也事不節則無功然則

先王之為樂也以法治也善則行象德矣

天之所施有寒暑有風雨而寒

暑之變必因風雨而移君之所施有教有事而教亦因事而見蓋教遷于無形事顯于有象其實非有二也夫君之

設教本以濟世而不得其常則濟世者反以傷世如天寒
暑不時而致疾者然立事本以求功而不得其分則求功
者反以無功如天風雨不節而傷穀者然則吾之所施可
不恤哉是故先王之為樂也下其暑法其時于風雨決其
節以是為治則所施皆善而民德既然夫豢豕為酒非以
化于無形行亦象之而當于百象矣

為禍也而獄訟益繁則酒之流生禍也是故先王因為酒

禮壹獻之禮賓主百拜終日飲酒而不得醉焉此先王之

所以備酒禍也故酒食者所以合歡也樂者所以象德也

禮者所以綴淫也是故先王有大事必有禮以哀之有大

福必有禮以樂之哀樂之分皆以禮終分去聲○歌以數

至輕者百拜極言其禮之煩也大事謂死喪大福謂吉慶

此示上事節而言先王使民豢豕為酒本以養耆老奉賓

客和族黨而流而無節止有因之沉酣爭鬪以致禍者故
先王制飲酒之禮使樂而不至流也夫酒食所以合歡于
樂之樂為近而先王必制之以禮蓋樂以象德非以道淫
流而無節必至于淫故禮以綴淫與樂以象德相為體用
不可偏廢夫哀而無禮尚患其哀之過况樂而無禮能不
流而生禍哉故先王于死生哀慶皆必以禮終之也事節
而數時不待言矣○右第三章皇
氏分樂者所以象德下為第四章

右樂施第五

目錄第三史記第四孔本亦第四○中
分三章一章言樂之施以章德而及貴

諸侯以一事而言也二章言樂之施以象功而上及
黃帝下及殷周極其盛而言也三章言樂之施以法
治而兼及禮之綴
洋防其弊而言也

樂也者聖人之所樂也而可以善民心其感人深其移風

易俗易故先王著其教焉

荀子史記並作風移俗易說苑
孔本並作移風易俗漢志作風

俗移易夫子從漢志下易音異。聖大心和而樂作故樂者聖人自寫其心之所樂也而以樂為教則又可以和天下之心焉蓋其為教優游和順使人默化而不知故先王立之為教上而司業之教國子下及小學之十三舞勺成節舞象皆是也夫民有血氣心知之性而無哀樂喜怒之常應感

起物而動然後心術形焉是故志微噤殺之音作而民思憂嘒諧慢易繁文簡節之音作而民康樂粗厲猛起奮末

廣賁之音作而民剛毅廉直勁正莊誠之音作而民肅敬

寬裕肉好順成和動之音作而民慈愛流辟邪散狄威儀

溫之音作而民淫亂志陳讀急鄭如字說苑志微作感微

記作緩說苑作奔無起末二字賁鄭讀憤今平聲由一作

潤郎讀柔上聲好大聲辟同狄張讀惕陳讀越王如字

今從陳○血爲陰氣爲陽人之體心有思知有覺人之靈也哀樂喜怒之常人之理也夫人之生莫不有是氣亦莫不有是理有是氣則有血氣心知之性有是理則有哀樂喜怒之常聖人常以理御氣使血氣心知欲皆退聽于仁義禮知之真則發之喜怒哀樂者自無不得其常矣人惟聽血氣心知爲主則于外物之感起我者卽應之而動而心之術形焉感于善則之善感于惡則之惡也志鄭謂志意微細左傳其細已甚陳謂急促微細並通繁文文理甚多簡節限度疎濶相厲聲之雄廣賁聲之大猛起壯于始奮末振于終廉峭厲也勁堅強也壁外曰肉內曰好此借以喻音之溫潤滑澤也狄成王肅云成夷狄之音張守節謂往來捷速陳謂一終其長淫佚之意疑陳得之滌滌記溫也衆音之異如此民感之而心術因以異焉故道民不可不慎也○樂本篇言心之所感異則其音殊此言音之所感殊則其心異有于中是故先王本之情性稽形于外感于外變于中其理一也是故先王本之情性稽之度數制之禮義合生氣之和道五常之行使之陽而不

散陰而不密剛氣不怒柔氣不懾四暢交于中而發作于外皆安其位而不相奪也然後立之學等廣其節煥省其文采以繼德厚律小大之稱比始終之序以象事行使觀

疎其賤長幼男女之理皆形見于樂故曰樂觀其淡矣

史律

作類比行並去聲見音現。木之性使未發者無不中本之精使既發者無不和此先王之自修而爲作樂之本者也度之數謂律有長短禮之義謂音有君臣稽之制之則作樂之事也生氣之和兩儀之運子人則健順之德也五常之行五行之精在人則爲仁義禮知信之德也先王既本之精性以探其本又稽之度數制之禮義以極其理則有以合之道之使乘于天而爲陰陽木十地而爲剛柔者俱無偏倚駁雜之差則四氣之在吾性情者條暢交錯于中而發作于外凡見于度數禮義者皆安其位而不奪其倫則其爲樂真可樂而可用之以導民心矣夫然後立之

學以爲教之之地立之等以爲教之之方而其教之之法則廣其作止之節奏使有可循察其倡和之文采使無可混凡以束民之德使就繩墨而厚者益厚也官音太羽音小律之使各得其稱如黃鍾終仲呂比之使各得其序凡以示民之行使君臣事物有所放像而行也如此則人倫日用之理無不形見于樂如上生下生者親而餘律以次疎爲官者貴而象臣民事物以次賤黃鍾大呂長而諸律以次幼陽律男陰呂女而同位取妻此所以感人爲最深而移風易俗亦易也觀者上以示而下以法也引古語以証感人深之意。張守節曰上言民隨俗以變化此言先王制正樂土敝則草木不長水煩則魚鼈不大氣衰則生以化民土敝則草木不長水煩則魚鼈不大氣衰則生物不遂世亂則禮慝而樂淫是故其聲哀而不莊樂而不安慢易以犯節流湎以忘本廣則容姦狹則思欲感條暢之氣滅和平之德是以君子賤之也

亂呂作濁慝呂作煩史作廢下章同誦教

苑作慢感陳云或作感宜從之條暢史記說苑並作將蕩
滅陸德明作穢。敵穢瘠或崩駘也煩分散及衝激也上
三句興下一句世亂則事無序而禮慝無序則不和而樂
亦淫樂淫則哀樂皆失其節哀之過則怒肆而不安而流湏以忘本
易以犯節者有之樂之過則恣肆而不安而流湏以忘本
者有之夫樂之聲樂者必廣而流湏忘本則其廣也適足
以容茲哀者必狹而慢易犯節則其狹也反至于思欲條
暢之氣于是乎傷和平之德于是乎絕此豈可為教者乎
又反言以結之陳浩曰感條暢之氣則與合生氣之和反
矣滅和平之德則與道五常之行異矣張守節曰此言邪
樂不可化民也

右樂言第六言當作形聲之悞也張守節作言樂目
錄第四孔本第五史記第六。先言

之而心術形後言樂正則倫理
皆形見于樂故以樂形名篇

凡姦聲感人而逆氣應之逆氣成象而淫樂興焉正聲感

人而順氣應之順氣成象而和樂興焉倡和有應回邪曲
直各歸其分而萬物之理各以其類相動也聲者樂之始
而總一氣主之蓋一身之氣與天地萬物之氣相通茲則
逆正則順逆以召逆順以致順物之所以感于我與我之
所以感于物其理一也聲之所感其始至微而氣之所應
且積而成象身之邪正迥別而樂之淫和頓殊莫不始于
至微成于至著也倡聲之始和聲之合回者圓之周曲者
方之半邪者隅之交直者中之徑蓋倡和者聲之感回邪
曲直者氣之象為順為逆皆與吾身之志氣曲折相赴逆
則感條暢之氣而萬物之失其性者由此動焉順則合生
氣之和而萬物之得其性者由此動焉是萬物之得失觀
樂之和淫樂之和淫本身之邪正由于所感然
則君子可不先自慎其所感乎○應鑠曰聲感于是故君
微而氣之所應甚速氣應于微而象之所成甚著是故君
子反情以和其志比類以成其行姦聲亂色不留聰明淫

樂慝禮不接心術情慢邪辟之氣不設於身體使耳目鼻
口心知百體皆由順正以行其義性之所發為情然性無
為情有欲情流則志亦
辟故必反之率性之本而志乃和善之與惡異類而惡易
從善難立類雜則行必岐故必比其從善之類而行乃成
賈公彥云反去淫溺之情比擬善良之類亦通真德秀曰
去聲亂色不留他明養其外也淫樂慝禮不接心術養其
內也情慢之氣自內出邪辟之氣自外入不設於身體則
內外交養矣愚謂聰明之所留即心術之所接無外之非
內也情慢之所出即邪辟之所入無內之非外也君子慎
于所感順氣應之內而心知順正情反而志無不和外而
耳目口鼻百體順正類比而行無不成則順氣成然後發
象而和樂可興矣。陳澧曰此學者修身之要法然後發
以聲音而文以琴瑟動以干戚飾以羽旄從以簫管奮至
德之光動四氣之和以若萬物之理是故清明象天廣大

象地終始象四時周還象風雨五色成文而不亂八風從
律而不姦百度得數而有常小大相成終始相生倡和清
濁迭相爲經故樂行而倫清耳目聰明血氣和平移風易
俗天下皆寧述說苑作代。聲音謂人聲也琴瑟堂上之
樂干戚羽旄簫管堂下之樂清明樂之氣廣
大樂之體終始樂之序周還樂之節五色宮土黃角木青
徵火赤商金白羽水黑八風條風長卦匏配之明庶震卦
竹配之二風之律從黃鍾大呂太簇清明巽卦木配之景
風離卦離配之二風之律從夾鍾姑洗仲呂涼風坤卦土
配之間闕兌卦金配之二風之律從蕤賓林鍾夷則不周
乾卦石配之廣莫坎卦革配之二風之律從南呂無射應
鍾百度凡天地間可量度者數始于天一終于地十故五
音爲天之中數六律爲地之中數十二管按月之全數黃
鍾宮九其九而八十一從此而三分損益林鍾徵五十四
大簇商七十二南呂羽四十八姑洗角五十四始于子之

一爲九終于亥之一十七萬七千一百四十七也。小水謂音相成。若以大平小以小平大終始。謂律相生。若下生者正生清上生者清生正。倡謂宮和。謂徵商羽角。清謂蕤賓至應鍾。濁謂黃鍾。至仲呂。迭相爲經。若旋相爲宮。以十二律與五音互乘。可得六十律也。倫卽君臣民物事之理。君子順氣成象。德已至矣。然後被之于樂。以畜其至德之光。吾之氣順。則天地之氣亦順。故有以動四氣之和。而萬物之正性。達于是乎。若也。清明以下。申言動四氣之和。倫清以下。申言著萬物之理。夫耳當聰目當明。血當和氣當平。乃萬物本然之理。惟爲逆氣所感。乃失其性。而其理遂若不可知。故必動四氣之和。而其理乃著也。馴至于移風易俗。天下皆寧。則和樂之所感大矣。應鑄曰。不亂不姦。有常言其常而不紊。相成相生相爲。經言其變而不窮。故曰樂者樂也。君子樂得其道。小人樂得其欲。以道制欲。則樂而不亂。以欲忘道。則惑而不樂。是故君子反情以和其志。廣樂以成其教。樂行而民

鄉方可以觀德矣。

鄉去聲。君子順正行義。愧作民而樂。自主。小人縱欲妄行。志願違而樂亦違。

是君子小人各有所樂也。然君子之樂也。以道制欲。則天性常定。故樂而不亂。小人之樂也。以欲忘道。則妄營愈多。反感而不樂矣。此蓋古語。而記者引之。君子先反情和志。以修其身。而立樂之本。然後廣樂成教。以化其民。而達樂之用。至樂之教。經行。民皆翕然向道。則民之德。即君子之德。而德之可觀者在此矣。大學言明明德于天下。新民即明德也。易曰。觀我生。无咎。觀我即觀民也。不言比類。反情內也。內足以該外。故略言之。右第一章。

德者性之端也。樂者德之華也。金石絲竹。樂之器也。詩言

其志也。歌咏其聲也。舞動其容也。三者本于心。然後樂器

從之。是故情深而文明。氣盛而化神。和順積中而英華發

外。惟樂不可以爲偽。

說先樂器作樂。氣氣盛作德盛。輔廣曰德。出于性。故德爲性之端。樂以

章德。故樂爲德之華。愚謂人生而靜。并無德之可名。至可
目之爲仁。爲義。則已爲性之端。至于樂。則所以象德。若夫
金石絲竹。則止爲樂之器耳。樂固不盡于斯也。豈足以知
德。且見性哉。然所性之德。實具于心。心有所之。而詩以言
之。歌以咏之。舞以動之。則言亦德之言。聲亦德之聲。容亦
德之容也。三者本于心。而金石絲竹之樂器從之。則由樂
可以觀德。由德亦可以識性也。夫性爲情之原。心爲氣之
主。必情深而樂之文乃明。氣盛而樂之化乃神也。樂爲德
華。豈有心德之和。願未積于內。而樂之英華能發于外者
哉。故樂不可以僞爲也。○刑曰。肫肫其仁者。情之深。配義
與道者。氣之盛。右第二章承上
喬至德之光言之。以深探其本也。

樂者。心之動也。聲者。樂之象也。文。采節奏聲之飾也。君子
動其本。樂其象。然後治其飾。是故先鼓以警戒。三步以見
方。再始以著往。復亂以飭歸。翫疾而不拔。極幽而不隱。獨

樂其志不厭其道備舉其道不私其欲是故情見而義立

樂終而德尊君子以好善小人以聽過故曰生民之道樂

爲大焉

下見音現聽過作飾德。樂有聲而後有容有器

有可象之德此心之德動而著于外然後樂以象之聲作

而飾從焉先擊鼓以聲衆之聽此節奏之始也三舉足以

示舞之方此文采之始也由是自再成以迄舞之終每成

皆有始而往皆有亂而歸其文采不一其往皆有所以著

其始其歸皆有以飭其歸其節奏又不一而是文采節奏

有時揚而連絕不以奮疾之過而報往而按來有時抑而

連亦不以極曲之過隱藏而難見樂之治飾如此要以動

其本樂其象而已故本之所在以之爲已則和而平足以

自樂而悅其味而不厭也象之所著以之爲人則愛而公

足以行道而推其欲而不私也是故立本之情方見而治

人之義已立是卽始可以見終及人之化方終而成已之

德更尊是要終亦所以返始舉凡天下之君子聽之固足

以發其秉彝好德之良。即小人聽之亦足以戒其惰慢邪辟之過。故曰生民使不失性之道莫大於此也。按鄭以此節爲大武之樂以再始爲十一年師次孟津明年伐紂故據周禮大司馬兵以鼓進以金退謂再始必擊鼓飭歸必鳴鐃陳旆辨其非武樂而猶襲其歸必鳴鐃非也。姚謂當改金聲玉振按此止一成之始終非全樂之始終也。愚謂飭歸只是收束嚴整至終無散亂淫放之意不必求一器以實之。右第三章承上樂行而民鄉方言之以極著其效也。

右樂象第七。孔本第六口錄第八史記第七。中分

功也。二章君子德成而樂以象之。三章君子之樂象德而人又放象於君子自然之符也。朱子分二章並

人樂

記

君子曰禮樂不可斯須去身致樂以治心則易直子諫之

心油然而生矣。易直子諒之心生則樂。樂則安。安則久久則
天。天則神。天則不言而信。神則不怒而威。故樂以治心者
也。致禮以治躬則莊敬。莊敬則嚴威。心中斯須不和不樂
而鄙詐之心入之矣。外貌斯須不莊不敬而易慢之心入
之矣。子諒當從韓詩外傳作慈良。君子之學務致中和
而非禮無以致中。非樂無以致和。故禮樂斯須不可
去致。蓋其極也。自大至小自動至靜無往不與。禮樂偕乃
謂之致。易不險直不曲。慈不隘刻。良不暴戾。四者之心油
然自生。樂之所感也。樂謂從容和順安謂無所勉強。久謂
欲罷不能。天則漸人自然。神則變化無方也。真德秀曰不
言而信以其不惑不怒而威以其不測也。端嚴不懈曰莊
恪謹不肆曰敬。色足憚曰嚴。貌足畏曰威。莊敬修于已威
嚴著于人。至此則人仰之如天。奉之如神。亦不言而信不
怒而威也。禮樂斯須不去故其成如此。不然斯須有間則

和樂之心卽變而鄙詐非敬之心卽變而慢易矣可不慎乎謂之人者朱子曰見非心實有是惡外誘使然也然所爲者而爲主于內則亦吾之心矣○陳澧曰樂由中出故以治心言禮自外作故以治躬言愚謂制乎外所以養其中外貌斯須不莊敬而易慢之心入之無外之非內也岐而視之不得也故樂也者動于內者也禮也者動于外者也樂極和禮極順內和而外順則民瞻其顏色而弗與爭也望其容貌而民不生易慢焉故德輝動于內而民莫不承聽理發諸外而民莫不承順故曰致禮樂之道舉而措之天下無難矣○朱熹作致禮樂之道之無難矣餘文並同今刪○上言禮樂之甚切于人此又推其原而極其效言樂之原由心之和動于內而作故治心宜以之禮之原由理之順動于外而制故治躬宜以之蓋樂本極其和故以治心而內無不和禮本極其順故以

治躬而外無不順也。致禮樂如此則顏色皆德之輝容親
即理之發民瞻其顏色而愛心亦生自莫與之爭求一人
之不承聽無有也望其容貌而敬心亦生自莫之
敢慢求一人之不承順無有也措之天下復何難樂也者
動于內者也禮也者動于外者也故禮主其減樂主其盈
禮減而進以進爲文樂盈而反以反爲文禮減而不進則
銷樂盈而不反則放故禮有報而樂有反禮得其報則樂
樂得其反則和禮之報樂之反其義一也祭義文同今刪
減史記作謙報
鄭讀復陳如字。此又以禮樂體用之異及相濟之妙言
之樂動于內有歡欣暢達之意故主其盈禮動于外有收
斂謹飭之意故主其減此禮樂之體也然禮之體雖減而
用則貴于進必有歡欣暢達之意乃不失之拘樂之體雖
盈而用則貴于反必有收斂謹飭之心乃不流于放此禮
樂之用也不然禮減而不進則拘苦畏難樂盈而不反則

流蕩忘返。能無弊乎。故用禮樂者。不可不損益以就中也。
報者往來酬酢。嚴而濟之以和。反者知足知止。恭而受之。
以節用禮樂。如此則相資相濟。皆適乎事理之宜。而其用
亦歸於一矣。○陸隴其曰。禮勝則離。樂勝則流。是禮樂皆
不可過也。禮不進則銷。樂不反則放。是禮懼其不
足。樂懼其有餘也。二意互相發明。○右第二章。

大樂者樂也。人情之所不能免也。樂必發于聲音。形于動
靜。入之道也。聲音動靜。性術之變。盡于此矣。故人不耐無
樂。樂不耐無形。形而不爲道。不耐無亂。先王恥其亂。故制
雅頌之聲。以道之。使其聲足樂而不流。使其文足論而不
息。使其曲直繁瘠。廉肉節奏。足以感動人之善心而已矣。
不使放心邪氣得接焉。是先王立樂之方也。

耐古能字古
本凡能皆作

耐自唐季宗盡改爲今文惟此及禮運留一二未改耳論
史記作論○不能免病言不可少下乃言其不可少之故
也○又謂推頌之詞論則講說而探討之也○曲折而轉直徑
而出繁瑣而詳括省而約廉方而峭肉圓而潤六者不出
節奏之中而節則其止奏則其進也方調劑適宜而人之
所受治者也○蓋人心有所樂則必發之于言形之于貌性
術之變不外此兩端然無有不善者性之一有正亦有邪
者術之變變而失道能無亂乎亂則名爲人而實無異禽
獸此人之大恥也人或不知恥而先王恥之故制爲雅頌
以道之於正使之令采則其聲足樂而不至于流使之講
說則其文可玩索而不至于厭且被之絃歌播之舞蹈則
其曲直繁瘠廉肉之節奏又有由之而不能自己者凡以
道人于善使性術之變皆歸于正焉是先王立樂調劑之
妙而盡人受治者也○心者氣之主心放則氣因以邪心氣
皆人所自有而曰接者放與邪非性之本然故以外至之
辭言之也○心統性情術便是情之所往但性只有善故
于性術言變變而後之于不善也心却有人心道是故樂
心兩端故前于心術言形形乃見其善不善也

在宗廟之中君臣上下同聽之則莫不和敬在族長鄉里之中長幼同聽之則莫不和順在閭門之內父子兄弟同聽之則莫不和親故樂者審一以定和比物以飾節節奏合以成文所以合和父子君臣附親萬民也是先王立樂之方也族長當作族黨方白虎通作意○樂之妙如此則君臣上下之敬長幼之順父子兄弟之親皆人道之本然而和之則皆以樂也顧先王所以和之者又有本焉術之變萬殊而性之本則一先王審夫術由于性變由于一則有以養未發之中者乃有以定中節之和由是比其金石千羽之物以飾夫咏歌舞蹈之節至于曲直繁瘠廉肉之節奏皆與吾心中節之和相合而燦然成文則萬民之和敬和順和親皆一以合之而有餘矣此先王本心之和以作樂而調劑人故聽其雅頌之聲志意得廣焉哉心使人莫不受治者也

其于戚習其俯仰詘伸容貌得莊焉行其綴兆要其節奏
行列得正焉進退得齊焉故樂者天地之命中和之紀人
情之所不能免也先王本性情之正故樂遂有以正天下
孰不當莊行列進退孰不當正與齊而人多不能得者聲
音動靜不以道不能無亂也乃道之以樂之聲音習之以
樂之動靜而人已得之矣蓋是數者本原于天地之命存
之則爲性之中發而中節亦爲性術之和自人無以紀之
于是有鄙詐之心而失其質有慢易之習而失其莊正與
齊先王以樂正之不使放心得接而廣者仍得其質不使
邪氣得接而莊正齊者仍得其齊是樂卽天地之命而人
之不能中和者惟此爲中和之紀是人之所賴以治而必
不可少也夫樂者先王之所以飾喜也軍旅鈇鉞者先王之
所以飾怒也故先王之喜怒皆得其儕焉喜則天下和之

怒則暴亂者畏之先王之道禮樂可謂盛矣

齊○白虎通作齊○

也左傳喜怒哀以類者寡先王審一以定和則性術之發無不得正而又制為禮樂以為喜怒哀之飾焉軍旅兵之事缺鉞刑之事兵有九伐之法刑有五刑之用皆有輕重之差進退之節不敢任己之怒而輕用之與樂之不敢樂而無節同故喜怒哀皆得其類而天下無不服從也怒者喜之反亦性術之變之所有故因論樂而推言之○白虎通三節皆孔子語

右第二章

石樂化第八

目錄第七史記第八孔本第十○中分二章一章言禮樂之化二章專言樂之

化蓋中前七章之意而通結之○未于一章入禮樂記二章入樂記

賓牟賈侍坐于孔子孔子與之言及樂

孔曰賓牟姓賈名牟張守節曰賓姓牟

是蓋周人也曰夫武之備戒之已久何也對曰病不得其

衆也。已一作以。非。五節皆夫子闕而賈答也。武王樂
憂也。賈言武王憂不得衆心。故警之而稽待之。愚謂周之
得衆久矣。此一節象春警師之事。賈答非也。○按竹書封
還王殺王子比干。囚箕子。微子出奔。五十二年。周警師
伐殷。秋。次于鮮原。蓋自既黎後。孟津久在周境中。諸侯請
伐紂。會師孟津。武王諭諸侯以紂未可伐。而望紂悔改也。
至殺比干。囚箕子。微子亡。武王乃言紂不可不罪。伐然春
將帥而秋次鮮原。猶望之也。紂猶不悛。冬十一月師渡孟
津而紂亡矣。商周革。咏嘆之淫液之何也。對曰。恐不逮事
命。而際當細觀之。咏嘆之淫液之何也。對曰。恐不逮事
也。諸侯後至。不及伐紂之事故。致其慕望之情。欲諸侯速
至也。愚謂此一節象師次鮮原。發揚蹈厲之已蚤何也。對
之事望紂速以不忍遽翦殷也。發揚蹈厲之已蚤何也。對
曰。及時事也。初舞時手發而揚足蹈而厲。賈言象武伐紂
及時急進。下子言太公之志。則賈答非也。

武坐致右憲左何也對曰非武坐也

憲鄭讀軒○半跪致至軒仰也右膝跪至

地左足仰而起之賈言武無坐法武樂尤不宜坐

聲淫及

商何也對曰非武音也子曰若非武音則何音也對曰有

司失其傳也若非有司失其傳則武王之志荒矣子曰唯

正之聞諸蓑炭亦若吾子之言是也

唯上聲蓑音長○淫貪欲之意賈言武王

伐暴救民豈有貪商之意而武樂有之此必有司悞傳非武樂本有是音也夫子以其知聖人之意故許之蓑炭周大夫夫子所賓卒賈起免席而請曰夫武之備戒之已久

則既聞命矣敢問遲之遲而又久何也子曰居吾語女夫

樂者象成者也總干而山立武王之事也發揚蹈厲太公

之志也武亂皆坐周召之治也

方氏曰上進去聲下退平聲○免席避席也遷待遷

緩也亂樂之卒章賈因夫子是也之言以為皆許其說故

言戒備病不得禦味嘆淫佚恐不逮事則既總干宜及時

急進而猶立而待之且如山之立巍然不動其待之者又

緩而且久何夫子言此總干山立者正武王之事武王初

無利天下之心故遲之遲而又久如此則前無病不得衆

恐不逮事之心可知因并告以發揚蹈厲乃象太公厲揚

之志而非武王之及時事武舞至末皆坐乃且夫武始而

象周召文治之敷而不可謂武原無坐法也

北出再成而滅商三成而南四成而南國是疆五成而分

周公左召公右六成復綴以崇天子

史記分下有陝字鄭以天子夾振而驅伐

為句今從王肅○成者樂之一終此乃舉武樂之全告之

屬部魯館在紂之西而齊必于孟津則自南至北故既總

干山立遂望北而出象始伐紂也再成象牧野之師正滅

商時事二成復轉而南象誅黨惡諸國四成象疆理南方

五成象周公召公分陝以治武功戰而文事興焉六成則
象武王治定功成也熊安謂一成自極南第一位起北至
第七位再成至第三位三成至第四位極北四成從北順
而轉至第二位五成至第三位六成至第四位即南順之
初位也愚謂舞之周還象風雨則一成中亦必有許多回
旋曲折若如熊說則合六成止走得一去一來恐不成舞
矣按之而駟伐盛威於中國也分夾而進事蚤濟也久立

於綴以待諸侯之至也

史記作四○夾振鄭謂天子與
大將親夾舞者而振鐸皇謂令二

人夾舞者而振鐸皇說近之一擊一刺為一伐駟伐象討
四方當惡者蓋三成之事盛威中國不忍一方之民陷于
塗炭賊亂之道利用威也分夾而進舞者各有部分而振
鐸者夾之以前蓋再成之事事蚤濟者連一日則師之所
處荆棘生焉民多受一日之害故用師之法利用量也然
成之初久立于綴不期而會孟津者八百諸侯至矣備
有待焉如不得已初無利天下之心也○按逸周書既勝
殷庶方不服者分師俘之侯來伐靡集于蹕辛巳以俘獻

告甲申百介伐衛庚子陳本伐磨百韋伐宜方新荒伐蜀
孟子亦言滅國五十則當時四伐可知詩言維師尙父時
惟鷹揚則分夾而進殆亦太公之志也書言陳于商郊俟
天休命詩又上帝臨女無貳爾心則兵陳矣武王猶不欲
縱而人力勸之也而前此之待之更可知矣凡女獨未聞牧野之語乎武王克

殷反商未及下車而封黃帝之後于蓊封帝堯之後于祝
封帝舜之後于陳下車而封夏后氏之後于杞投殷之後
于宋封王子比干之墓釋箕子之囚使之行商容而復其

位庶民弛政庶士倍祿反商家語作反商之政甚明鄭讀
及非逸周書有封神農之後于焦

句鄭云蓊或作續祝或作錄股家語史記韓詩外傳並作
封白虎通無投字而作殷人使之當依家語作使人湯子
使之絕句非女音汝牧野在今汲縣牧野之語古史篇
名反商武成所謂反商政政由舊也蓊在幽涿之間故在

時以其地封召公爲燕。豈因武庚之亂卽亡。然說在今平
原祝阿縣。陳今陳州宛卽縣杞。今汴州雍卽縣封陳者胡
公。爲滿封杞者東樓公。武王分天之明立紂子祿父使守
先祀祿父叛亡乃封微子于宋。此但約言之也。下車未下
車特言其急于是耳。比干墓在牧野行訪也。商容隱于太
行山故使人求之。鄭謂商家禮樂之官非是。逸周音命曰
天封比干之墓。命召公釋箕子之囚。命畢公表商容之閭。
應謂既釋箕子卽使箕子求商容非也。伏生大傳武王十
二年克殷釋箕子囚。箕子不忍周之釋走之朝鮮。王因封
之。十三年來朝王訪焉作洪範。是此時箕子未嘗爲周用
應說謬也。地政去其虐政以弔民也。倍祿加厚其祿以優
賢也。按投殷無義參考他書知卽封字之誤。而或乃因
此一字謂武王殷有拘繫濟河而西馬散之華山之陽而
之法放置之實繫而誣矣。弗復乘牛放之桃林之野而弗復服車甲絆而藏之府庫
而弗復用例哉。干戈包之以虎皮將帥之士使爲諸侯名

之曰建藝然後天下知武王之不復用兵也。韓家同史作設建家語作

建鄭讀健陳謂句錯簡當在虎皮下考家語史記韓詩外傳並在諸侯下陳說謬○山南曰陽桃林在華山旁金履

祥謂自靈寶西至潼關皆桃林塞地畔以血塗之倒載入

後刃也名猶命也既告武成大封諸侯而命之曰自此始

韜藏兵器然後天下共知武王不復用兵也王肅謂言今

所以繫弓矢而不用者皆將帥之功故建之爲諸侯而名

曰建藝散軍而郊射左射貍首右射騶虞而貫革之射息

也亦通也裨冕播笏而虎賁之士說劍也祀乎明堂而民知孝朝

覲然後諸侯知所以臣耕籍然後諸侯知所以敬五者天

下之大教也食三老五更於太學天子袒而割牲執醬而

饋執爵而醑冕而總干所以教諸侯之弟也。說脫通記家語作配其上

有郊祀后稷而民知尊父句五者作六者韓詩外傳作四
者而在弟也下則不數說劒句○散軍散遣軍伍也郊射
大射也鄭謂左射東學右射西學孔謂天子射于東學使
諸侯射于西學陸德明謂此並天子禮愚疑卽上射下射
周禮上射左此郊射時尙仍殷制故天子爲上射而居右
也朱子曰革鵠也陳曰甲館也鄭曰燕人張歐皮射之不
川鵠左傳潘黨躡甲而射之是也大射則張皮侯而設鵠
但士于中而不主于貫革貴德不貴力也裨冕潛笏詳五
藏虎賁周禮夏官中大夫二人中士十有二人虎士八百
人其常職孟子言虎賁三千人則伐商時所用也謂之虎
賁者其力如虎奔走王之前後以衛王也明堂班布政令
之所宗祀文王于明堂以配上帝鄭謂此時明堂未建當
是文王廟思謂明堂以下統周制言之不專指克殷時也
天子養老親執事成而舞大武此以論大武故養老一節
別言之餘若此則周道四達禮樂交通則夫武之遲久不
詳世子記若此通水牧野以下周道統其全禮樂舉其重四
亦宜乎連謂所布者廣交通謂所貫者周要亦互文也聖

人舉事其心公其道大其始無急于得天下之心其後亦不迫期夫天下之化如此則遲而又久更何疑乎

石室中賈問樂第九

諸本並同史記第十〇皇本在魏文侯章上孔本在魏文侯章

下吳澄同皇本

魏文侯問于子夏曰吾端冕而聽古樂則惟恐卧聽鄭衛之音則不知倦敢問古樂之如彼何也新樂之如此何也

魏本晉大夫畢萬之後世本萬生芒芒生季季生武子州左卿州生莊子降卿作降生獻子茶絃作茶生簡子取取生襄子多多生桓子駒甲生文侯斯斯與韓虔趙籍共分晉地周威烈王初命為諸侯常師事卜子夏

子夏

對曰今夫古樂進旅退旅和正以廣弦匏笙簧會守拊鼓始奏以文復亂以武治亂以相訊疾以雅君子于是語于

是道古修身及家平均天下此古樂之發也相王去聲徐如字旅叶魯

雅叶古下叶五旅衆也或進或退衆皆齊一無亂次也

和者不乖中者不偏以廣又無所不包音又善矣弦瑟

也鉦分至大者四十六簧笙簧詳月令拊以韋爲表狀

如革壘中實以糠用手拊之故謂之拊張守節曰樂有堂

上堂下之今拊則堂上樂工弦歌擊鼓則堂下樂工吹

管籥足鈔鉦黃皆會守拊鼓也鄭曰文謂鼓武謂金相

仰相也齊人謂據曰相以實據故名相雅如漆桶而弁以

大以飾舞也長五尺六寸以羊韋鞞之有兩紐疏而桶中有惟

所以飾舞也按雅樂無用金饒者蓋樂之音節其如必舒

徐不與故曰始奏以文其後必嚴整不淆故曰復亂以武

其相然也秦似乎亂矣而理之實相爲佐助故曰治亂

以相此四句即自始作至以成備翕純繳繹之意恐不當

但以一器度之也君子聽之而于是語于是道古以講論

有德而欲財者乎方慙曰平無上下之偏均無遠近之異

樂記

卷之三

三

今夫新樂進俯退俯姦聲以濫溺而不止及優侏僂優雜

子女不知父子樂終不可以語不可以道古此新樂之發

也

俯或作府傳儒同復絲同。俯俯曲也。一作府言聚也。雜而聚之無行列也。濫汎溢溺汎陷音又淫矣。疎僂短

小之人復雜無別如獼猴也。聽之雖終今君之所問者樂無一可言可行者又何為聽之忘倦乎。

也所好者音也夫樂者與音相近而不同

凡鏗鏘可聽音可謂之音必倫

理可通乃文侯曰敢問何如子夏對吳古者天地順而四得謂之樂

時當民有德而五穀昌疾疢不作而無妖祥此之謂大當

然後聖人作為父子君臣以為紀綱紀綱既正天下大定

天下大定然後正六律和五聲弦歌詩頌此之謂德音德

音之謂樂詩云莫其德音其德克明克明克類克長克君

王此大邦克順克俾俾于文王其德靡悔既受帝社施于

孫子此之謂也當去聲叶平莫詩作陌當依此長丁丈反

聖有祥言古者聖人在上天地順而四時和百姓醉厚年

侵豐熟人無疾病物無妖祥太和如此天下亦已定矣然

民生遂而無以教之民質厚而無以明之猶未為大定也

聖人于是作為紀綱焉禮含文嘉曰綱有三君為臣綱父

為子綱人為妻綱親有六諸父有善諸舅有義族人有序

兄弟有親師長有尊朋友有舊綱大紀小綱以統紀則有

條紀以從綱則不紊如此則天下大定矣然後正其六律

以和五音舉詩頌之可歌者被之琴瑟以弦之則其音皆

有德之音而可謂之樂矣此樂之所為與音異也詩大雅

皇矣之篇莫莫然清淨也言王季之音所以莫然清淨而

為德音者惟其德之克明故也其德如何能察是非曰明

能分善惡曰類教誨不倦曰長實慶刑威曰君其德如是

故王此大邦而慈和徧服無不順焉上下相親無不比焉
即至于文王之時而追數其德略無遺憾是以受上帝之
福而延及于子孫也其德如是則其播之音者豈不誠為有德之音乎引以証德音之義今君之所好
者其溺音乎音相與德相反者文侯曰敢問溺音何從出也子夏

對曰鄭音好濫淫志宋音燕女溺志衛音趨數煩志齊音
敖辟僭志此四者皆淫于色而害于德是以祭祀弗用也

詩云蕭雝和鳴先祖是聽夫蕭肅敬也雝雝和也夫敬以

和何事不行好上聲蕭數促速通放辟傲僻通僭或作驕

昵狎婉孌音之柔趨數短急燥雜音之細敖辟尊高放逸

音之縱四者皆溺音也淫蕩而無制溺沒而不山煩亂而
無統僭亢而不下四者志之失溺音所由出也色見于外
者德舉內而言淫于色外亂人之威儀害于德內亂人之

心志則不可謂之樂而但可謂之音此音之所爲與樂異也詩周頌有替之篇言有和敬之德播之于樂則其音和鳴用之祭祀而先祖是聽矣因詩又言豈惟祭祀哉內而家庭外而朝饗亦何事不可行耶。陳澧曰淫溺較深煩倚較淺然爲人君者謹其所好惡而已矣君好之則臣爲皆足害德之上行之則民從之詩云誘民孔易此之謂也。誘詩作牖正溺音之邪如此則爲人君者自宜好在德音惡在溺音而于德音反惟惡聞于溺音反不知倦何哉唯其平日不能詳于好惡之來流情則順逆情則異故至于此然則人君亦惟謹于好惡求順于理無徇于欲而已矣且人君者臣民之本上行下效捷于影響一好一惡勸懲治亂可不謹乎詩大雅板之篇言君訪民甚易以証上行則民必從舉民而臣可知已。周諷曰臣近于君故好卽爲民遠然于君故行乃從愚謂遠近雖殊要其感應則皆捷也。然後聖人作爲鞀鼓柷敔應麓此六者德音之音也然後鍾

磬竽瑟以和之干戚旄狄以舞之此所以祭先王之宗廟

也所以獻酬酢酢也所以官序貴賤各得其宜也所以示

後世有尊卑長幼之序也

按梲楊故也詳見月令堯土爲之鏡上平底形似稱鍾六孔宋

景祐樂記大堯八孔上一前五後二縣飾其上阮逸曰如雁卵者曰雅堯如雅子者曰領堯篴篴同有七室旄牛尾

也葛天氏之樂三人操牛尾投足以歌八闕後世因之養雉羽餘詳月令舞鼓六者其音質素故曰德音之音由是

以金石絲竹和之則彌文矣文武二舞舞之則更盛矣而要以章人君謹好惡之德則猶是德音之音也將見用之

祭祀則先神聽即用之宴享亦賓客利用之朝廷亦官職序傳之後世而父子兄弟各循其分亦何事不可行也哉

鐘聲鐸鐸以立號號以立橫橫以立武君子聽鐘聲則思

武臣石聲磬磬以立辨辨以致死君子聽磬聲則思死封

疆之臣絲聲哀哀以立廉廉以立志君子聽琴瑟之聲則
 思志義之臣竹聲濫濫以立會會以聚眾君子聽笙簧
 管之聲則思畜聚之臣鼓聲之聲謹謹以立動動以進眾
 君子聽鼓鼙之聲則思將帥之臣君子之聽音非聽其鏗
 鏘而已也彼亦有所合之也鐘古作鍾橫古曠反屠史作
 硯鄭作磬辨史作別濫鄭作
擊今如字聚或作最非謹或作歡動或作勳又張猛本會
 作信聚作嚴。鏗振而起磬專而確哀聚而切濫雜而多
 謹宏而震五者器之聲也鍾聲一作衆音從之如鼓令
 出而衆人從也橫氣盛之貌號出而衆從則氣盛而威
 之象立矣磬聲專一不雜故足以立辨辨之明者雖死亦
 不可搖故足以致死也琴瑟之弦不一而大小宮商徵角
 可辨故足以立廉有分辨則必志于義故足以立志也笙
 笙簫管之竹非一而翕張出入雜然同聲故足以立會

會者多則衆聚矣故足以聚衆也鼓聲壯盛足以動衆而作其氣故戰而進衆必用之五者聲中所寓之衆也之立者聲作于此而義自通于彼也武臣能立武者死疆之臣能致死者志義之臣能立義者容民畜衆之臣聚衆者將帥之臣能進衆者故君子聽之如此又豈有欲樂所感如此則何事不可用君子聽之如此又豈有所合者哉故君子于好惡必清其屬然後于正樂有所合也不然志淫好僻聽鄭衛而不知倦詎有所合哉

右魏文侯問樂第十

孔本第八史記熊本並第九目錄皇本並第十二

子贛見師乙而問焉曰賜聞聲歌各有宜也如賜者宜何歌也師乙曰乙賤工也何足以問所宜請誦其所聞而吾子自執焉贛貢同。師乙樂師名乙者蓋魯人也宜者歌聲之妙與已相宜或足以濟其不及教其太過武涵養其德性之正也執謂擇而處之乙下但舉德性之正而資樂以涵養者告之若夫補偏救弊則在者

耳寬而靜柔而正者宜歌頌廣大而靜疏達而信者宜歌
大雅恭儉而好禮者宜歌小雅正直而靜廉而謙者宜歌
風肆直而慈愛者宜歌商溫良而能斷者宜歌齊夫歌者
直已而陳德也動已而天地應焉四時和焉星辰理焉萬
物育焉劉向本寬而靜至慈愛四十九字錯簡在五帝之
道體也下又後出一愛字鄭曰愛或作哀寬者
易縱而靜則無懈弛之憂柔者多弱而正則無詭隨之失
庸大易曠而靜則不疎疏達易還而信則淳固恭者易儉
儉者易賁而好禮則有節文正直或過于端嚴靜則直而
不偏廉或過于峭厲謙則虛而不刺肆大也肆直或不足
于恩慈愛則義不過溫良或不足于果決能斷則仁不廷
此皆德之已成者也有是德則于是歌為宜故歌者必先
審已之德然後取所宜歌者數陳咏嘆以陶其性以養其
情至性情無有不正則已動矣已動則吾之性歸本與天

地爲體。吾之性情正。則天地之性情亦應之而正。四時天
地之氣之運行。星辰天地之精之懸象。亦孰有不和不理
者哉。而萬物之與吾同。天地之氣以生者。自無不育矣。故
乙惟言直已陳德。而補偏救弊之道。要亦不外此也。故
商者五帝之遺聲也。商人識之。故謂之商。齊者三代之遺
聲也。齊人識之。故謂之齊。明乎商之音者。臨事而屢斷。明
乎齊之音者。見利而讓。臨事而屢斷。勇也。見利而讓。義也。
有勇有義。非歌孰能保此。又本商人上有前錯四十九字。
宋人也。遺聲失傳。故又表而出之。見非燕女教辟之音也。
事者至則斷。難利可欲。則讓難勇。理明而氣又足。配之義
守定而欲不足。奪之也。保猶安也。既有勇有義。又常歌商
歌。齊則足以保其德。而馴致所安之域也。上言有是德。則
宜陳是歌。此言用是歌。則足保是德。故歌者止如抗。下如
互相發也。舉商齊而風雅頌可知矣。故歌者止如抗。下如

隊曲如折止如橐大偈中短句中鉤繫繫乎端如貫珠故
歌之爲言也長言之也說之故言之言之不足故長言之
長言之不足故嗟嘆之嗟嘆之不足故不知足之蹈之乎
之舞之也端史記作殷孔本末有千頁問樂四字蓋古篇
題皇于前篇皆刪而于此失刪也今已後十一
篇篇題之舊故于此刪之○抗舉也如抗聲之高如隊聲
之下偃直句曲也端長而下垂之意長言之所謂歌承言
也嗟嘆抑揚反覆之意上七句樂聲之妙下
則歌者之情其妙有人于化而不自知者也

右子貢問樂第十一

目錄皇本俱第十○有天地後
有地有地然後有人人受天地

之命以立而天地之心卽具于人之心中未獨爲性也
之靜也已發爲情陽之動也性無不中而情有不和
蓋人非聖人其發不能無久情失而性亦離矣先王
教人平好惡之情以反人性之正此樂之本也故樂

本先之樂者通倫理者也。倫何在？與天地同和者。理何在？即天地之和者是。論也者，其倫也。理也者，其體也。極其妙，故樂論次之。探其原，故樂體次之。言樂必兼言禮者，萬物得其理然後和，和不以禮節之亦不可行也。如此，則禮樂俱天地之情，而足以管乎人情矣。人之情不遠乎天地，即人之性不遠乎天地，故以樂情次之。樂法天地而無過，則可施，故次之以樂施。施然後有形，故次之以樂形。形然後可象，故次之以樂象。至于化，則由形象之可知，可循以達于倫理。自然之妙，情無不和，性無不中，而天地之命在我矣。故以樂化終焉。其下三章，則舉聖賢之論樂者次之。先孔子，次子夏，次師乙，亦其序也。朱子曰：「看樂記大以形容得樂之氣象，當時許多名物度數，人人曉得，不須言說，故止說樂之理。如此其妙，今許多度數都沒了，只有許多樂之意思，是好都沒安放處。」又曰：「今禮樂之書皆亡，學者但言其義，至于器數，則不復曉。蓋失其本矣。」愚按：禮樂之書皆亡，而樂尤甚。劉向、向、有奏樂樂器說律等篇，則度數名物必猶有存者。猶

念于唐宋諸人之臆說也。傳禮者乃舉而廢滅之。又
何心哉。○毛氏樂錄謂今之七調卽古之七律四調
卽宮乙卽變宮上卽商尺卽角工卽徵凡卽變徵六
卽羽如宮音則工凡六四乙上尺自下而上四宮音
居中上凡乙二變不用用低宮則自四而上尺以次
上下及工六旋爲高宮川高宮則自四而下尺以次
下上及尺上旋爲低宮四黃鍾正宮乙大呂變宮上
大族商尺夾鍾角工姑洗徵凡中宮變徵六蕤賓羽
若變宮調則大呂乙居中去六工二變不用商調則
大族上居中去四尺不用角調則夾鍾尺居中去乙
工不用徵調則姑洗工居中去上凡不用變徵調則
中呂凡居中去尺六不用羽調則蕤賓六居中去四
工不用此呂氏春秋上層七律也至下層五律則林
鍾卽黃鍾之清夷則卽大呂之清南呂卽太簇之清
無射卽夾鍾之清應鍾卽姑洗之清變徵與羽清極
故無清此聲止于十二律亦終于十二也如其說則
可無樂亡之歎或又有嘗具以世俗之樂論樂而古
樂乃真亡者然樂之不勝久矣得此已不勝空谷足

音之喜故附錄之以俟知樂者正焉

禮記卷九之三

終

男翔校字

乾隆歲次癸巳

門下晚學耿統孝校鐫